

33. 3. H. 141
G A S P A R I S C O L I N I I
C A S T E L L O N I I, M A -
G N I Q V O N D A M F R A N -
C I Æ A M I R A L L I I, V I T A.



P S A L. C I I.

*Iustus sempiterna memoria vigebit:
neque unquam labefactabitur.*

M. D. LXXV.



LIBRARY OF THE
 UNIVERSITY OF
 CALIFORNIA
 BERKELEY
 1971

LIBRARY OF THE
 UNIVERSITY OF
 CALIFORNIA
 BERKELEY
 1971

W. D. L. N.



C A S P A R I S

COLINII CASTELLO-

NIJ, MAGNI QUONDAM

FRANCIAE AMIRAL-

lij, Vita.



EST in Segusianorum finibus, haud procul à Sequanis, vicus, nomine Colonia, vetustate summa: cui arx imminet, quondam munitissima. qua de caussa patrum avorumque memoria populari lingua Fortalitium, id est, propugnaculum vicinitatis illius dicebatur. Eius vici atque arcis domini, visitato proavorum more Decolonia vocabantur: postea corrupto inter Gallos nomine Colinij dicti sunt. Vetus incolarum opinio est, à Cæsaris scriptis non aliena, eum ipsum esse locum, in quo Cæsar, cum in Galliam exercitum duceret, Aeduorum & Ambarorum legationes audiuit, querentium de Helvetiis, qui copiis in Galliam traducendis illorum agros populabantur: propterea

quòd proximus collis Iulij nomen etiã nũc obtinet. Finitimus verò vicus, Cæsaria nominatur. Illud constat, Coloniae dominos quondam latissimos in hac regione agros, possessionesque habuisse: in eorumque ditione non multis abhinc seculis fuisse opida Nantuam & Monluettum, totumque illarum ciuitatũ territorium. Cuius rei cùm alia multa testimonio sunt, tũ verò mensurarum auctoritas documento est: quæ hodie quoque in opidis, pagis, castellisque finitimis, Colonicæ appellantur: & semper ab incolis illi Coloniae acceptæ latæ sunt. Est autem Colonicæ gentis insigne pro stemmatibus (quæ consuetudo vetustissimis familiis illustribus ac nobilibus attribuit) Aquila coronata: cõstâtque summi imperij ius (quod maiorum consuetudine Regaliorum dicebatur) in eadem gente fuisse: hoc est, ut in suæ ditionis homines ius vitæ & necis haberet, capitis damnatos in integrum restitueret, pecuniam cuderet, atque illius aquilæ coronatæ nota insigniret: tributa; & vectigalia, si quando usus ferret, suis clientibus & colonis imperaret. Itaque pro tantis opibus magnum sacerdotiorum numerũ instituerunt, quæ maximis vectigalibus

C O E T N T
ornarunt. in his abbatiam Mirullianam, si-
tam in Vicecomitatu Auxoniæ: alteram
Mommerlinam, itémque Celliomicam in
Segusianis: & Coligniam in Burgundia: eo-
démque iure priuilegia & immunitates Co-
loniæ dederunt, aliisque opidis nonnullis:
in his Treffortio, Iasseroni, Sangermano,
Damberio, Amburneio, Ponssinio, quo-
rum incolæ hodiéque ius illud sibi à Co-
lonicis Principibus datum retinent. Extant
in Abbazia Mirulliana monimenta quæ-
dam vetera, in quibus memoratur Huber-
tus Decolonia, qui anno M.C.XLVI. Cō-
radum III. Imperatorem in Orientem ad
recuperandas Hierosolymas cum ingenti
exercitu profectum sequutus, cum certis de-
caussis domū reuenisset, paucis diebus se-
se ad reditum instruxit, secumque filios
quinque abduxit, Guiriciū, V Vilhelmum,
Hubertum, Guidonem, Dalmacium, &
Bernardum. Ex iisdem & aliarum Abbazia-
rum literis ac monumentis cognitum est,
Guiricio natum Hubertū, Coloniæ & An-
delotti dominū: ab hoc procreatum Ame-
deum, inde Stephanum, tum Ioannem, post
alterum Stephanum, mox Ioannem, tū Ia-
cobum, inde V Vilhelmū, qui Baronatū de
A. iij.

monte S. Ioannis vulgò dictum, in Burgundia ducatu obtinebat: & opidi atque arcis Castellonica in Gallia dominus erat, quod opidum ad ripam amnis Longiflui sitū est. Ex eo Ioannes natus, & ex Ioanne Gaspar, nostri huius Gasparis pater. Hæc enim annorū ferè quingentorum illustris ac nobilissima stirpis memoria in monumentis, domesticisque literis conseruata est. Floruit autem Gaspar huius nostri pater, sub Rege Francisco primo: vxorēque habuit Ludouicam Monmoranciam Annæ Monmorācij magni Franciæ Comestabuli sororem. & cum in arce, quæ opido Castellonio præsidet, domicilium haberet, Gallica consuetudine, Castellonij dominus appellatus est. Vnde cognomen ad filios ac nepotes propagatum. De illius virtute, præclarum extat testimonium Martini Bellaij, viri fortissimi, qui Gallicam sui temporis historiam literis mandauit. Nam in libro Commentar. II. in hanc ferè sententiam scribit: Anno M.D.XXII. Amirallius Bonniuetus Fōtarabiam in Hispanorum finibus cepērat. Vt primum in Galliam reuersus est, suāsque secum copias reduxit; Hispani magno exercitu opidum illud obsidēre cœperunt: qua

obsidione

obsidione (cùm ad menses circiter XII. durasset) opidani ad summã rerũ omniũ inopiã redacti sunt: constãtque inopia & fame quãplurimos periisse, remque in extremũ adductã esse discrimen. Quod ubi Regi renunciatũ est, Mareschallo Castellonio mandavit, vt exercitũ quàm maturrimẽ cõficeret, eũque obsessis subsidio duceret. Conscripto exercitu Castellonius magnis itineribus eò cõtendit. Verũ ubi Baionæ propinquauit, graui morbo oppressus, magno Regni Gallici detrimento, è vita excessit. Magnũ enim vir ille vsum in re militari habebat, summãmque auctoritatem obtinebat. Hæc Bellaius. Mortuus est autẽ Gaspar in opido Ax vulgò dicto, I V. Augusti: anno M. D. XXII. tribus relictis filios: Odeto, Gaspare, & Francisco. De Ludouica verò ipsius coniuge illud memoratu dignum est, quòd cùm ita sanctè vitam instituisset, vt pudicitia exemplum haberetur, & Regina Helionoræ Francisci primi coniugis honoraria (vt loquuntur) matrona fuisset, moriens veræ & castæ religionis ab sese agnitæ, testimoniũ hoc dedit. Nã cùm perpetuò illud ex Dauidis Psalmo in ore haberet: Et misericordia eius à progenie in

progeniem timentibus cum: Odettum Castellonium filium suum, natu maximum, qui iam tum Cardinalis factus fuerat, monuit, grauitérque interdixit, ne quem ad se sacrificulum, néve missificem adire sineret: singulari Dei beneficio sibi patefactum esse, quemadmodum & piè illum venerari, & ex his corporis vinculis ad coelestem patriam emigrandum esset. Decessit Lutetiæ anno M.D.XL VII: in ea domo quæ iam Mommoranciana dicitur. Primus autem ex filiis Odettus (vt dictum est) à papa Clemente septimo, qui familiæ amplitudinem ad suas opes in Gallia confirmandas accommodatam existimabat, anno ipsius ætatis decimosexto Cardinalis creatus est, maximisque & opulentissimis sacerdotiis à Rege muneratus. Qua de causâ prærogatiuam quæ maximo natu debebatur, secundus, cui (vt diximus) Gaspari nomē fuit, adeptus est. Natus est hic Gaspar anno M.D.XVII. mēsis Feb. die XVI. qui cū puer indolē virtutis atque ingenij mirificā ostenderet, mater eū patre mortuo bonis literis ab ineunte ætate imbuendū curauit: eique Nicolaum Beraldum, qui tum eruditionis laude in primis totius Galliæ florebat, præceptorem

ceptorem attribuit. magistros etiam rei militaris & armorum tractadorum quàm potuit peritissimos adiunxit. His disciplinis Gaspar institutus, cùm ad annum ætatis vigesimum quartum pervenisset, & Regis Francisci filius, Delphinus vulgò dictus, Basiium obsideret, miram in illa oppugnatione alacritatem ostendit. Bellaius libro historiæ suæ decimo, sub anno M.D.XLIII. testatur eum, cùm ad fossam propius accessisset, glande plumbea in gutture vulneratum ab hostibus fuisse. Eodem anno cùm eidem Regi nuncius allatus esset, rerum suarum in Insubribus hunc statum esse, ut propediem cum hostibus iuncto prælio dimicandum videretur, venia à Rege petita, iumentis dispositis, eò aduolavit: magnūque in eo prælio (quod Cerisolinum vulgò appellatum est) virtutis suæ specimen dedit. quod etiam idem Bellaius decimo Commentariorum testatur. Quapropter annis non ita multis interiectis, Henricus Rex, Francisci filius, honorem ei mandavit summum. Nam cùm Anna Monmorancius, Gasparis auunculus, equitatu præfesset, hunc pedestribus copiis Gallicis præesse iussit: quæ præfectura populari lin-

gua, Colonellus peditatus appellatur. In
 ea potestate ita se gessit, ut paucis men-
 sibus magnam sibi iustitiæ, fortitudinis,
 prudentiæ laudem pararet: totiûsque ple-
 bis Gallicæ gratiam iniret. Nam cum an-
 teâ perditissima consuetudo inueterasset, ut
 milites sub vexillo passim vagarentur, ra-
 pinisque & direptionibus omnia comple-
 rent, Gaspar disciplinâ militarē arctioribus
 legibus adstrinxit, quibus eorum lasciuiam
 coerceret, ac præsertim execrationum &
 blasphemiarum licentiam: ex quo veræ pic-
 tatis ac religionis semen iam tum in ipsius
 animo apparuit. Cùmque leges illæ tanto-
 perè bonis omnibus probatæ essent, non
 multò post Regis imperio ac nomine pro-
 mulgatæ sunt, & in Regiarum legum volu-
 men relatæ. Per id tēpus, Gaspar ab eodem
 Rege eo honore affectus est, qui nunc qui-
 dem culiuit, tum verò magnæ dignitatis ha-
 bebatur, ut in Regiorum equitum collegiū
 cooptaretur: qui vulgò Regalis ordo appel-
 latur. Exoriebatur tum inter Henricū Gal-
 liæ, & Henricū Angliæ Reges simulas pro-
 pter opidum Boloniam, quod per conditio-
 nes pacis non multò antè factæ Anglis op-
 pignratum fuerat. Itaque cum Galliæ Rex

Anglis diffideret: Gaspari regionis illius totiusque ferè negotii administrationem mādauit. Qua recepta continuò in Picardiam profectus, quò Henricus suas copias opidi obsidendi causa miserat, castellum propè ab opido singulari artificio extruxit, quod & Gallis præsidio, & opidanis magno aduersus excursions impedimento esse posset. Id castellum ab auctore etiam nunc Castellonicum dicitur: magnúmque ad illam expugnationem ac victoriam momentũ attulit. Itaque nō multo tēpore interiecto Angli de compositione agere cœperunt: cuius conficiendæ cura omnis Gaspari & Rupipatio ipsius auunculo mandata est. His rebus gestis Gaspar ad Regiam profectus, paucis post annis magnus Franciæ Amirallius à Rege creatus est: quæ summa inter Gallos dignitas habetur. propterea quòd Oceani quæ ex parte Galliam alluit, summum habet imperium: classique & maritimis copiis, naualibusque Regijs omnibus præsidet. Eidem quoque decretæ à Rege prouinciæ sunt duæ: Picardia, & Insula Francica: magnúsque insuper honos habitus, vt centum cataphractorum equitum præfectus esset, sanctiorisque Senatus Regij consilia-

rius. Consecutus est annus MDLIV, quo Carolus V. Germanorum Imperator, & Maria Angliæ Regina, coniunctis copijs bellum graue atque acerbum Henrico Galliarum Regi intulerunt. Tantis hostibus, qui consilio & virtute resisteret, vnus, omnium bonorū cōsensu, Gaspar delectus est. Itaque asperrimi formidolosissimique belli administratio, quod ad Picardiā maxima ex parte pertinebat, Amirallio à Rege mandata est: vt coactis copijs, Belgarum finibus præfideret. Erat ex coniunctis tantorum hostiū copijs, & Caroli V. opinione, quæ per orbē terrarum peruaserat, Rege verò tum à pecunia, tum à ceteris rebus ad bellum ducendum necessariis imparatissimo, magnus passim cūctæ Galliæ iniectus timor, neque cuiquam dubium erat in tanta rerū omniū difficultate, quin paratum Galliæ exitium videretur. Quod cum Amirallius & Regi nuntiandū curasset, & cū amicis cōmunicasset, optimū factū iudicauit, abinducijs remediū petere. Hoc ipsius consiliū cum & Regi & ipsius cōsiliarijs magnoperè probatū esset, eius negotij administratio ipsi madata est: quod paucis diebus incredibili ordinum omniū lætitia, & gratulatione cōfecit:

sum-

summamque ex ea re, patriæ conseruandæ laudē est adeptus: cū earū induciarū conditiones patriæ honestas & maiorē in modū vtilēs adhibuisset. Sub idē illud tempus Guisii è Lotharingis orti, qui sibi Siculū & Neapolitanū regnū deberi, suisq; maiorib. per iniuriam ab Hispanis ereptum dictitabant, Henrico Regi persuaferunt, magnam se superioribns annis Neapolitanæ nobilitatis partē beneficiis & pollicitationibus conciliaffe: per eos facilē in illud Regnum aditum futurum: si modò Rex copiarum suarū partem illis concederet: breui tempore fore, vt illa regna sub ipsius ditionem nullo negotio redigerentur. Ita Guisiorū consilijs induciæ paucis antē mēsis iurata magno gentis Gallicæ dedecore violata sunt: quam perfidiam Amirallius grauiter molestēque tulit: sæpenuerò dictitās, semper exitiales istiusmodi perfidiarū exitus fuisse, Deūmque certissimū periuriorum, vltorē omnibus seculis exstitisse. Eò accedebat, quòd Regis imperio cogebar in sua provincia contra pacem & fidem datā bellica consilia moliri. Qua ex re primū simultatū, post etiā capitaliū inimicitiarū, quæ inter illos exstiterūt, initiū natum constat. ac-

cessit etiam quòd , duello inter duos nobiles in Picardiæ finibus à Rege constituto, etsi tum præsens Guisus aderat, tamen Amirallius , quòd in sua prouincia duellum illud committebatur, faciendum sibi putauit, vt ei præesset. Illa præterea Guisianici in illũ odij caussa cõmemoratur, quòd cùm adollescentes summa inter se familiaritate coniuncti fuissent, parique vestimentorum habitu amicitia testandæ caussa vterentur, Guisus Amirallium consuluit, quid sibi videretur de Aumallij fratris sui consilio & animo ducendæ in vxorem, filia Seneschallæ Valentinianæ: cuius summa erat apud Henricum Regem. gratia, sed nõ minor apud bonos infamia. Cui respondit Amirallius, Pluris se tantillum bonæ famæ, quàm ingentes opes estimare. quod Amirallij verbum Guisus & Aumallius acerbissimè tulerunt: quasi ad deterrandos à maiore potentia & dignitate Guisios pronuntiatum. Verumtamen vbi Regi nuntiatum est, copias in Belgarum finibus ab Hispanis cogi, exercitúsque vnum in locum conduci, Picardiæque primo quoque tempore providendum esse: commodissimum visum est, Amirallium, quem illi provin-

ciæ præfectum fuisse superius demonstra-
tum est, eò cū aliquot copijs proficisci. Vix
bidui viam, progressus, ab exploratoribus
certior factus est, Hispanis esse in animo,
Sanquintinum (quod est opidum Picardiæ
non ignobile) obsidione cingere, multis-
que tormentis muralibus quamprimum op-
pugnare. Simul à Brullio Hannicæ arcis
præfecto litteras accepit, vt primū ea de
re ad ciuitatis illius incolas perlatum fuis-
set, tantam tota vrbe trepidationem exor-
tam esse, vt complures patresfamilias, reli-
ctis rebus omnibus, cum coniugibus & li-
beris fugam compararent. Qua re Amiral-
lius cognita, dissimulandum tamen apud
suos ratus, summamque animi alacritatem
præ se ferens, magnis itineribus Sanquin-
tinum ire contendit. Cū ab hoc consilio
Gernacus & Lusarcius (quem Amirallius
equitatui præfecerat) multis eū verbis de-
terrere: demonstrarētque opidum illud
neque operibus munitum esse, neque fru-
mento, ceteroque comgearu instructum:
præterea ciues terrore perculsos: magnas-
que hostium copias prius affuturas, quā
quidquam ad opidi defensionem proui-
deri posset: satius esse, & ad laudem aptius,
paten-

patentibus locis bellum gerere, quàm mœnibus inclusos de sua salute cogitare. His illorū verbis nihil cōmotus Amirallius, in suscepto cōsilio perseuerauit: cū & quāti momēti opidū illud, ad Hispanorū impetū à patriæ interitu propellēdū, & prouinciæ suæ salutē: & quantā mutato consilio sermonū an-
sam inuidis ac maleuolis præbiturus esset, illis demonstraret. Postridie perlatū est ad eū, magnam eorum militū partem, qui ei Regis mandatu, ad opidi defensionē attributi fuerant, quosque vna nocte confirmandorū opidanorum causa præcesserat, metu perterritos in proximas se siluas abdidisse: domūque deuijs itineribus reuertisse. Itaque illo die non plures CXX secuti sunt, quos alij postridie pari numero sunt subsecuti. Qua re hostibus per exploratores nuntiata, celēriter ad opidū aduolāt, distributis que operis illud circūuallare instituūt. Cū ædículas quasdā in suburbij occupassēt, ac iam sinuosis secturis fossæ propinquassent, Amirallius eruptione facta, faces sarmentaque in ædes illas inferri, easque incendi iussit: quo incēdio lōgius hostes propulsi. Postridie omnibus in circuitu opidi partibus circumspectis: vbi nulla propugnacula, nullos

aggeres, nullas munitiones animaduertit, diffidere opido, ac longinquam oppugnationem vereri cœpit. Veruntamen quando ita fortis suæ ratio ferebat, vt vel opidū tueri, hostiūque impetum à patriæ interitu propulsare, vel pro patria fortiter occumbere cogeretur: quantum cura, labore, vigiliis eniti atque efficere potuit, nihil in munitionibus exstruendis, fossis fodiendis, aggere vndique comportādo prætermisit. atque vt ciuibus, militibúsque, & euocatis nobilibus, qui vnà venerant, industriæ ac laboris exemplum præberet, primus ipse operibus faciendis manum admouebat, neque vnquam ab illis discedebat. Tanta solitudine affecto, repentè, præter expectationem nūciatum est, Andelottum ipsius fratrem (de quo superius mentio facta est) in opidū introiisse, secūmque circiter quingētos milites adduxisse. Simul Rex ab ipso certior factus, quantum in discrimen opidum illud adductum videretur, Comestabulum cum aliquot equitum turmis eò proficisci iubet, com meatūque introferre, & præsidio maiore opidum munire. Hunc Hispani magno Germanorum equitatu, magnisque peditū copiis circunnēctum, prælioque superatum

ceperunt, eiusque copias magnis illatis incommodis in interiorem Galliam repulerunt. Quo nuncio in opidum perlato, tantus omnium animos incessit timor, ut nullus propè Amirallij cohortationibus relinqueretur locus. Hoc dolore permotus, & tanto patriæ periculo percussus, concionem aduocat. demonstrat maiorem patriæ, quam vitæ rationem duci oportere: ciuēque ac milites omnes iusiurandum adigit, si quis de deditioe verbū faceret, capitale esset, impuneque interfici liceret. Princeps ipse in ea verba iurat. Hispani tanta victoria elati ad opidi oppugnationem reuertuntur. neque per dies xx. ab ea tormentis verberanda desistunt: sed turasque in anfractum circū mœnia deducunt, quibus testi ac latitantes ad vr̄bis fossas accederent. Vbi continuis tormentorum ictibus, magnam muri partem euersam Amirallius animaduertit, aditumque in vr̄bem latissimum patere, atque hostes inibi esse, ut iam iā irrumperent, cohortatus milites, ut vnum impetum sustinere vellent, si eum propulsaissent, hostes nō facile fortunam iterum tentaturos: quem maximum ac latissimum aditum esse vidit, ad eū armatus constitit. reliquas vr̄bis partes fra-

tri cæterisque amicis propugnandas attribuit. At hostes firmum in illa parte præsidium conspicati, duabus aliis ex partibus introrumpere cœperunt, quod ubi Amirallio nuntiatum est, relictis in illa statione iis, quibus maximam habebat fidem, ad proximam stationem contendit: quã ab hostibus depulsam, locumque iam ab illis occupatum reperit, iamque partem urbis multitudine armatorum compleri animaduertit. Erat cum ipso adolescens nobilis, quem domi puerum educarat, Auentinius: vnaque serpulus, & puer nobilis, qui spiculum ferebat, quos repente aliquot Hispanorum cohortes impetu facto circumueniunt: agnitumque Amirallium comprehendunt. Hostes opido positi Amirallium Antuerpiam deducunt: ubi morbo graui affectus, diesque XL. febribus iactatus, vt primum remittere morbus cœpit, afferri sibi codicem sacre Scripturæ iussit, cuius lectione luctum ac mœrorem animi leuaret: tantumque in eo studij posuit, vt iam tum purioris religionis & veræ pietatis gustum capere, veramque inuocandi Dei rationem condiscere cœperit. Vbi precio aureorum quinquaginta millium, pro capite, dissoluto, domum postliminio reuer-

sus, est, nactus otium, & aulicarum factionū
pertæsus, ac iam tum de religione serio cogi-
tans, permisso Regis præfecturam Gallici
peditatus Andelotto fratri tradidit: provin-
ciam insulæ Franciæ consobрино suo Maref-
challo Mommorancio, Comestabuli filio.
Neque ita multo post vnum è familiaribus
suis ad Regem mittit, qui ei demissimè suis
verbis nunciet, sibi esse in animo provinciā
Picardicam deponere: videret cui eam de-
cerni placeret. Respondit Rex, mirum sibi
nouum istud illius consilium videri: neque
satis pro sano facere, qui vno tēpore tot se
imperijs ac magistratibus abdicet. ex eoque
tempore cœpit Amiralus apud multos in
religionis comutata suspicionem venire:
animum quidem ab omni ambitione, & po-
tentatus studio alienissimum ostendit. Ali-
quanto intermisso tempore, Henrico Regi
mortuo, Franciscus eius filius adolescens
succedit. Habebat hic in matrimonio Ma-
riam Scotorum Reginam, Guisij sororis fi-
liam: qua de causa, summum apud Regem
gratiæ atque auctoritatis locū Guisiani ob-
tinebant: regnumque Angliæ, quod ad suā
illam cognatam pertinere affirmabant, ali-
quoties ei ostentabat: iamque Regis auun-

culi passim in Aula vocabantur. Cum illorum ingeniū Amirallius crudele, barbarū, truculentum nosset, videretque nunquam illos à turbulentis consiliis temperaturos, in primis autem religionem acerrimè vexaturos, ad pristinum suum cōsiliū rediit: provinciāque deponere statuit. Itaque Ludovicum Borbonium Regij sanguinis Principem, Condæum vulgò dictum, qui sororis suæ filiam in matrimonio habebat, de suo consilio certiores facit: hortatur ut provinciam illam à Rege petat. Ita curis solutus Amirallius, negotiisque quamplurimis liberatus, quæ pium ipsius animum à religionis studio abducebant, domi se in arce Castellonia cōtinebat: eo lubentius, quòd conjugem habebat Carolam Laualliam, illustri atque antiquo genere progeneratam, & (quod ille summum Dei beneficium deputabat) religionis studio mirificè deditam: ut etiam virum suum ad superstitiones, & idolorum cultum abiiciendū, Christianāque religionem toto pectore amplectēdam hortaretur. Vbi Amirallius illam cupidius ac sæpius eadem de re agere animaduertit, semel quoque ipse cum illa seriò agere instituit. Itaque multis verbis ei demonstrat,

neminem se tot annis aut vidisse, aut audisse, vel in Germania, vel in Gallia, qui religionem studiosius amplexus esset, quin magnis ætūnis, & calamitatibus tantum non opprimeretur. Regum Francisci I. & Henrici II. leges esse, quæ à Parliamentis omnibus feuerissimè obseruentur, vt eius religionis damnati, locis publicis viui vstularentur, bonis omnibus Regio fisco addictis. tamen si se ita paratam animo consideret, vt communem Religiosorum conditionem non recusaret, suo se officio non defuturum. Respondit illa, non dissimilem esse Religiosorum eius temporis conditionem, ac semper omnibus ætatibus in Ecclesia Dei fuisset: neque dubitare quin eadem vsque ad finem mundi perpetuò maneret. Data vtrinq; atque accepta fide, cœpit sensim Amirallius suos domesticos ac familiares pijs sermonibus ad Dei cognitionē adducere: iisque non modò Biblia sacra, verum etiam libellos Gallicè de religione conscriptos, legendos tradere: simulque blasphemis & impijs execrationibus in Galliæ regno, ac præsertim apud Aulicos vstatis interdiceret. Liberis etiam pios gubernatores ac præceptores attribuit: vt paucis mēsis inter-

missis

missis, noua Castellionæ domus facies appareret: cæterique duo ipsius fratres Odetus, quem in Cardinaliū numerum cooptatum superius demonstrauius, & Andelortus illo exemplo vehementer ad religionis studium incenderentur.

Fuerat enim Amirallius semper ab ineunte adoleſcētia in Aulæ regiæ deliciis atque corruptelis educatus. neque contagionis illius expers habebatur. Verū ubi religione vera imbui cœpit, tanta repente cōmutatio in ipsius vita & moribus apparuit, vt facile liceret diuini Spiritus vim in tam subita cōmutatione perspicere: verissimumque illud Christi verbum agnoscere, Qui Spiritu diuino affecti sunt, eos quodam modo renasci, nouosque homines effici. Ac memoria dignū videtur, quod priusquam ad Christianum epulum & Cœnæ Domini cæ sacramentum accedere auderet, ei vsu venit. Sæpenumero cum eruditissimis quibusque Gallicarum Ecclesiarū pastoribus, non modò de transsubstantiatione (vt Sorbonici loquuntur) verumetiam de cōsubstantiatione collocutus erat: atque, vt ingenij humani natura fert, vt locale aliquam & inclusam quā certo loco adoret diuinitatis

diuino & cœlesti & supernaturali modo cō
fici. porro cū actio illa non panis aut vi
ni causa, sed hominis Christiani gratia in
stituta, atque ad eum finem referenda esset,
frustra curiosius exquiri, ecquid in pane, cū
pane, sub pane, intra panem, aut circa panē
permixtū esset. Panem & vinum ad exter
nam actionem pertinere: quemadmodum
in Baptismo aqua & immerfio: sursum, igi
tur ad cœlestem & interiorē actionem a
nimū attollendū esse, vnumque illud co
gitandum, quid Deus illo mysterio efficiat:
quod Paulus illis demonstrat verbis: Panis
quem frangimus, nōne communicatio est
corporis Christi? & cum eo exclamandum:
Arcanum mysterium, Christi & Ecclesiæ cō
iūctio. Denique verissimè ab Augustino di
ctum, Manducare cibum qui non perit, sed
permanet ad vitam, est credere in Christū.
Ut quid paras dentem & ventrem? credo &
manducaſti. Item: Nolite parare fauces, sed
cor. Inde commendata est illa Cœna, Ecco
credimus in Christum, quē fide accipimus
Quibus verbis Amirallius eruditus primū
Deo, tum Ecclesiæ illi gratias egit: ac iam
tum in animum induxit, quo primū die
Cœna celebraretur, ei adesse, & eius sacro

sancti mysterij particeps fieri. Cuius rei fama cum per vniuersam Galliã percrebuisset, incredibile dictu est, quanta Ecclesiæ omnes læticia & consolatione affectæ sint. nã etsi vsque ad id tempus qui religionem colebant, seuerissimis Regum interdictis, Parliamentorum autem assiduïs animaduersionibus ac suppliciis affligerentur, clandestinòsque cœtus, veterũ Ecclesiarum ritu, habere cogerentur: tamen religio mirandum in modũ per omnes Galliæ prouincias propagabatur. de quo etiam in Regum Hêrici & Francisci I. edictis crebra videre testimonia licebat: cùm identidem quereretur, quo maius studium ipsi, exemplum Francisci I. secuti, in illa religione comprimenda adhiberent, eò magis illam in dies serpere, ac sese per omnes regni partes fundere, maiusque incrementũ capere. Non multò post Ambosiæ tumultus exortus est, & cõiuratio nobilium permultorũ facta de Guisiiis è medio tollendis, quorum impotentiam ac ferociam nōnulli Galliæ Principes ac proceres ferre diutius non poterant. Cùm ab illa factione Princeps Condæus nō alienus putaretur, eiusque frater Rex Nauarrus aliquãto post moturus quoque aliquid videretur, cõmodis

modissimum Guisus visum est, procerum aliquot conuentum in villam Fōraneblāā à Rege indici, vt qualis cuiusque de religio nē sententia esset, cognoscerent. Vbi dies eius cōuentus venit, qui fuit xxiiij. Augusti M.D.L X, cū ij qui in eo concilio assidebant, iam essent à Rege, vt sententiam dicerent, rogati, Amirallius è sella consurrexit, & honorificentissimè ad Regem accedens, duos illi libellos supplices obtulit, hoc titulo inscriptos: Supplicatio eorum, qui per varias Regni prouincias, ritè & piè Deum inuocant. Vterque libellus Regio scribæ Albespinio traditus est, vt eos clarè de scripto recitaret. Hoc Amirallij factum, propter rei nouitatem, & superiorum temporum rationem, Regisq; animum religioni infestissimum, & summam Guisianorum potētiam, non modò Regi, verumetiam vniuerso concilio audacius visum est. Libellorum sententia hæc fuit: Eos qui piè ac ritè Deum inuocabāt, vsos hac opportunitatē temporis, suppliciter à Regia maiestate petere, vt sua clementia & lenitate in maximū suorum subiectorum nūmerum vteretur, qui vsque ad illud tempus multis affecti incommodis, multasque misérias atque acerbitates, pro-

pter religionis. studium perpeſſi fuerant. Postulare ſuppliciter, ne grauetur cauſam ſuam cognoscere: & Scripturam ſacram in iudicium tantarum controuerſiarum adhibere. Perfacile intelligi poſſe, quantopere non modò ab hæreſi abhorrent, cuius criminis ſuperioribus temporibus inſimulati fuerant: verumetiam à ſeditione, quòd non ad vim aut arma, ſed ad vnicam Regis clementiam & lenitatem in ſummis ſuis miſerijs confugiendum putafſent. Interea placeret ipſius Maieltati, iudicia quæ in ipſos exerceri ſolerèt, inhibere: quibus iudicijs nulla pars ſui Regnì non cruentata ſuperioribus annis ſuorum ſubiettorum ſanguine fuiſſet. miſeram uſque ad huc ſuam conditionem fuiſſe, cùm apud eos Iudices cauſam dicere cogerentur, qui Pontificis Rom. clientes & beneficiarij aduerſariorum potius quàm æquorum Iudiciũ ac diſceptatorum partes ſuſtinerent. Orare igitur vt tot familiarũ, & clientum ſuorum calamitates reſpiceret, qui eum pro Rege, ac domino clementiſſimo ſemper agnouifſent, atque ex Dei præcepto piè ſtudioſè quecoluiſſent, ſuamque in poſterum vitam, ſi uſus ferret, pro ipſius dignitate profundere

non

non recusarent. Aequum esse, cum eos Deus in ipsius fidem ac tutelam commendasset, salutem ipsorum ab aduersariorum potentia & crudelitate defendi. Supplicare, ut bona ipsius venia deinceps liceat palam locis publicis Deum inuocare, & a suis concionatoribus in veræ religionis studio erudiri, & sacramentis à Deo institutis frui: ne diutius eorum incognita religio maleuolis aduersariorum sermonibus propter clandestinos cœtus pateret. His libellis recitatis, sententiæ quidem ab omnibus dictæ sunt: sed non tam de religione, quam de graui ære alieno, quo Regem tantum non obrutū atque oppressum esse querebantur. Multa autem liberius Amirallius pronuntiavit, ac præsertim de copijs quas Guisij per speciem custodiæ Regiæ in vmbilico Regni coegerant: quasi Rex in peregrina, non in sua ditione esset: tantoque ad corporis custodiā præsidio indigeret. Tantā esse regij nominis autoritatem in Gallia, ut quæuis seditio vnus apparitoris aduētū, qui nomine Regio munitus esset, nullo negotio sedaretur: quod verbum altius in Guisiorū pectus descendisse, eorūque in Amiralliū odium vehementius incendisse constat.

Nonnulli autem alij cebsuerunt commo-
 dissimum fore si publicum Regni consiliū
 (quem Statuum conuentum vulgò appel-
 lant) indiceretur: demonstratumque est
 præsertim à Marillaco Viennēsi Archiepi-
 scopo, & Michaele Hospitalio Frāciæ Can-
 cellario, cuius tum amplissima erat auctori-
 tas; antiquissimū illud ac perpetuum Frā-
 corum institutum fuisse: quod tamē assen-
 tatorum quorundam calumniis, per annos
 septē & octoginta intermissum fuerat. Sub
 idē tempus Francisco H. mortuo, succes-
 sit frater eius natu minor Carolus IX, an-
 nos natus circiter X. statimque verus illud
 postulatum de publico Cōcilio indicendō
 renouatum est. Fuerat ad id tempus Katha-
 rina Medicea, Regis mater, natione Flo-
 rentina, eo statu quo viduæ Regina cōsue-
 uerant, gynæcei sui præfecta, personæ filij
 custos, ceteroquin à Reipub. gubernaculis
 remotissima, eoque in statu, à Guisjs,
 quamdiu rerum potiti sunt, seuerissimē re-
 tenta est. Cum per id tempus nobilitas Gal-
 lica diutius incendia & cruciatus, cetera-
 que supplicia religiosis imponi solita, passu-
 ra non videretur, ac propterea periculum
 esset, ne qui noui motus nascerentur; & Re-

gina mater non alienum se ab religione animum habere simularet, Amiraliius omni studio, labore, atque opera contendit, effecitque ut illa Antonio Nauarrorum Regi, cui Regni procuratio commissa fuerat, tantæ administrationis socia & particeps adiungeretur. Quod ipsius consilium fuere quamplurimi Reipub. amâtes viri, qui magnopere improbarent, atque ex omnium temporum historijs demonstrarent, nunquam Reginis matribus, præsertim alienigenis, Regni gubernacula tradita, quin ea res Gallicæ Reipub. perniciem atque exitiû attulisset, civiliumque dissensionum ansam præbuisset. Vbi Concilij publici dies venit, qui nobilitatis nomine verba fecerat, sub exitum orationis, libellum supplicem Regiæ Maiestati obtulit: ut puriorem religionem (quam vulgo Reformatam appellant) propalam locis publicis colere atque exercere liceret. Huic vnus aduersatus est Quintinus, Iuris canonici doctor & Lutetiæ professor, qui longissima oratione ordinis Ecclesiastici nomine, non habita, sed descripto recitata, sacerdotibus aliquot ad aurem, si quando hæsitaret, infusurratibus dicere ausus est, omnes qui loca publica reli-

gionis exercenda causa postularent, tanquam Regiæ maiestatis reos, & nouæ religionis fautores, supplicio dignos esse. Quade re cum Amirallius in Regio consilio questus esset, territus Quintinus, confessus est, nihil se suo Marte tum elocutum esse: tantummodo traditum sibi ab Ecclesiasticis librum de scripto recitasse; paratum tamen esse, in eodem illo publico conuentu corā Maiestate regia, testari ac pronunciaré, se de Amirallio nihil omnino cogitasse: quod paucis post diebus ab ipso factum, simulque Amirallij expostulationi satisfactum est. Ad extremum, magistratibus omnibus Regni Gallici, quique iuri dicundo præerant, regia auctoritate mandatum est, vt quos propter religionis causā in custodiis & carceribus continebant, quamprimum missos facerent: seueréque ijs interdictum, ne cui deinceps religionis nomine negotiū raccesserét. De locis publicis, vbi conciones haberi liceret, deliberatio reiecta est in alterum Concilium, quod Ponthosiam Picardix opidum indictum, neque tamen habitum est. Sequenti mense Ianuario, conuentu Principum ac procerum Gallix totius in villam Sangermanam indicto, eodémque missis

missis ex singulis Parliamentis aliquot sena-
toribus, edictum Regia auctoritate factum,
totaque Gallia promulgatum est, vt religi-
onem in omnium opidorum suburbiis exer-
cere liceret. Hoc edicto promulgato, cum
otium Regni constabilitum, ac iam respi-
rasse Respub. videretur, atque in omnium
ferè maiorum opidorum ipsiusque Lutetiæ
suburbij conciones placidè ac sedatè ha-
beri cœptæ essent: nuncius allatus est, Du-
cem Guisium, qui se in Campaniam rece-
perat, eadem in opido Vasseio, circiter du-
centorum hominum fecisse, qui edicti Re-
gij auctoritate freti concionem habuerant,
Deoque hymnos, publicis precibus habitis,
in horreo quodam cecinerant. Eam carni-
ficinam dicebatur exercuisse Guisius, fre-
tus noua Nauarri Regis amicitia, cuius a-
nimum infirmum pollicitatione Regni Sar-
dinia induxerat, sibi que compluribus alijs
promissis deuinxerat. Itaque fiducia eadem
fretus, paucis post diebus, fratribus magno-
que armatorum numero comitatus, ad Re-
giam profectus est. ibique Regem puerum
& Reginam matrem, qui magno fletu vio-
lentiam illam deprecari videbantur, com-
prehendit: eosque primum Melodunum,

Quox Lutetiam abduxit. Per id tempus Regina mater crebros ad Amirallum nūcios misit: Principi etiā Condæo suā manu scripsit, vt sibi suisque liberis paruulis succurreret, & Regni salutē curā haberet. His tot rebus Condæus excitatus, ac pleræque nobilitatis Gallicæ precib. adductus, arma capere, bellumque liberādi Regis, causa Guisianis inferre instituit: cū sæpe palām distitaret, non sibi metuendum videri, ne quis eum calumniaretur, quasi religionē armis propagare vellet, aut Regi puero bellum inferre. Publicum enim totius Regni Concilium Aureliæ peractum: plebem in eo ac nobilitatem religionis cultum postulasse. decretum fuisse, ne cui ea res deinceps fraudi esset: post etiam edictum amplissimo in conuentu factum, vt eam in suburbijs & pagis exercere liceret. quidnam iuris Guisus è Lotharingis ortus, in Galliæ regno haberet? aut qua fiducia fretus istam in Regis subiectos crudelitatem exerceat? denique nihil esse, quod contra vim sine vi fieri posset. non igitur se bellum inferre, sed bellū pacatis illatum, bello defendere. Tota iam Gallia promulgatū esse, atque etiam in Germaniam perlatū, ducem Nemo-

reum

reum Guisiorum impulsu blandis sermonibus Henricum puerulum Regis fratrem (qui postea Rex à Polonis creatus est) tentasse, ut eum extra Regni fines exportaret: quod institutum & consilium puer matri indicarat: idque indicium per id tempus in manibus omnium versabatur. Eisdem neglecta publici Concilij & Regij edicti auctoritate, furiosè atque insolèter Vassiacam, carnificinam exercuisse: Regi ac Reginae matri vim attulisse, inuitosque illos Melodunum & Lutetiam, quò commodum ipsis fuerat, abduxisse: aliquantò antè in Germaniæ finibus progressos fuisse: postulasse ab aliquot Germanis principibus, ut in Protestantium numerum admitterentur. Tabernas (quod oppidum est Argentorato proximum) Christophorum V Virtebergicum, magni animi, magnique consilij Principem, inuitasse. Ibi Cardinalem Lotharingum duas apud illum Principem, compluresque & Germanos & Gallos, religionis cultores, eiusmodi conciones palàm in templo habuisse, ut quàm plurimis persuaserit, & se, & fratres suos religionē amplecti, suumque nomen inter Protestantes Principes profiteri cupere. Quibus cognitis rebus Cō-

dæi institutum in tam multis Galliarum locis probatum est, ut paucis diebus complures ei se ciuitates dederēt, seseque in illius belli societatem adiungerent. In his Aurelia, Blesæ, Turones, Bituriga, Rothomagum, Lugdunum, Vienna, Valentia, Nemausum Montalbanū: quæ primi civilis belli exordia fuerunt, cui Vassiacā carnificinā causam præbuisse constabat. Cum in Religiosorum parte, summa totius belli ad Condæum communi omnium voluntate delata esset: repente Condæus eadem omnium voluntate præfecturam imperij sui Amirallio detulit, eumque legatum, imperijque sui vicarium, propter summam iustitiæ, gravitatis & sapientiæ opinionem, constituit. Inter hæc negotia Regina mater de pace agere instituit, cuius rei causâ petiit, ut in sua castra Condæus veniret, simul, ut tantisper Bogencium (quod opidum in flumine Ligeri pontem habet, atque ad id colloquiū aptissimum esse aiebat) ad paucorum dierum usum sibi concederet. Condæus interposita fide, nullis acceptis obsidibus, solius fratris Navarrorū Regis fide & Reginae matris promissis fretus, in castra proficiscitur. Tantū ab Regina petit, ut dū illud collo-

quum haberetur, Comestabulus, Guisius, & Santandrus (qui vulgò Triumviri euer tendæ Reipub. dicebantur) è castris exce- derent. Quare facta, Bogencio præsidium deducitur, opidūque Reginæ traditur. Huc confestim præsidium imponit, habitoque ad speciem de pacē & reconciliatione colloquio, non modò Condæum retinet, verumetiam opidum occupat, rebusque ad bellum necessarijs muniendum curat. Qua perfidia permotus Amirallius deesse suo erga Condæum officio noluit. ac sine mora in aduersariorum castra cum equitatu profectus, tantum ijs terrorem intulit, vt Regina mater ei continuò reddi Condæum imperaret. Paucis etiam pòst diebus Amirallius copijs ad Bogencium adductis, opidū expugnauit, ac vi, nō sine suorum detrimento, recepit. Per id tempus Amirallij filius natus maximus, cui Gaspari nomē erat, morbo absumptus, Auréliæ diem suum obiit: annos natus nondum nouem: sed indolis eximiæ. qua de causa magnum ex ea morte luctum Amirallius percepit. Guisiani interea, cū se à plerisque Gallis, quorum res agebatur, destitutos viderēt, maioremque partem Condiānis fauere animaduert

terent, ab exteris petendum sibi auxilium putarunt. Itaque missa in Heluetiam & Germaniam pecunia, pedestres, ab illis: ab his, equestres copias conduxerant. Quod esse certissimum perduellionis atque hostilis in Galliæ regnum animi documentum, sæpenuerò Amiralhus dictitabat. Nam si de publico, inquibat, Gallorum iure, more maiorum disceptandum est, Concilij publici decreta extant: cuius summam in regno administrando semper post regnum Galliæ constitutum, auctoritatem fuisse cōstat. sin res, iusto duello committenda, maiorem Gallorum partem à nobis facere, quis non videt? Exterorum autem copias, ad Gallos opprimendos accersere, nequaquam Gallici ingenij, sed barbaræ atque efferae mentis, animique hostilis argumentum est. Verumtamen, ne tantæ suorum voluntati, ac tot ciuitatum studio, quæ se ad ipsius amicitiam adiunxerant, Amiralhus deesset, cùm iam pridem certior factus esset, de singulari Principum quorundam Germanorum aduersus Gallicas ecclesias studio, vt exteros exteris opponeret, ab Andelotto fratre postulauit, vt ad illos Principes proficisceretur, atque ab ijs auxilium

lium imploraret: qui tribus post mensibus, equitum tria, peditum sex millia in Galliam adduxit. Inter hæc negotia nuntiatur Amirallio deduci ad Guisum, qui tunc Bitorigā obsidebat, aliquot tormenta muralia, simulque pulueris magnā copiam, quo ad illius vrbis oppugnationē vteretur. His præfectū Thonnum Lotharingum, haud ignarū belli, præsidioque illi sex equitum turmas, & insuper cohortes aliquot attributas. Quæ re Amirallius cognita præclari facinoris ansam nactus, paucis equitibus comitatus, eò magnis itineribus contendit. Hostes vix primum impetum sustinuerunt: magnaque eorum pars abiectis armis in fugam sese dare instituit. pedites iumenta è carris solvūt: tormenta, carrōsq̃ pulvere onustos relinquunt, ceterōsq̃ fugiētes insequuntur. Thonnius pugnans capitur. Amirallius tanta præda potitus, quemadmodum eam abduceret, iumentis omnibus destitutus, animo agitabat. Itaque necessariū consilium capit, tormenta pulvere præter modū onerata, immisso igne corrumpere. quod ubi non successit, arcas pulvere repletas, simul tormenta & carros omnes, vnum in locū acervatim cogit: ignēque in pulve-

rem immisso, fragore magno aerē complet,
 & quæ potest incendio, corrumpit. Reuerso
 ex Germania Andelotto, tribus equitum,
 sex peditum millibus secum adductis, Con-
 dæus non inualido exercitu Gallorū & Ger-
 manorum conflato, ad urbem Lutetiā pro-
 ficiscitur. Guisiani suas copias, in his Helue-
 tiorum agmen, quo maximè confidebant,
 eduxerunt: nostrisque ad opidum vetus,
 quod Druydum domicilium fuisse constat,
 propinquant, ibique prælium committitur.
 cuius incertus atque anceps euētus fuit. Nā
 ex Guisianorum parte Comestabulus ca-
 ptus est: ex altera, Condæus: qui (vt superius
 demonstratum est) summam imperij rene-
 bat. Hoc accepto incōmodo cū acies in-
 clinare cœpisset, peditēsque cōplures abie-
 ctis armis partim concisi iacerent, partim
 sese aduersarijs dedidisset, Amiralius, equi-
 tatu in syluam proximam coacto, cohorta-
 tus omnes, ne maiorem vitæ, quàm religio-
 nis, patriæ & dignitatis rationem ducerent,
 prælium redintegrauit: inibique vnus è
 Franciæ Mareschallis Santandræus, homo
 summæ in Aula potētiae, & Brossæus Guisij
 præfectus, aliique nobiles complures inter-
 fecti sunt. Comestabulus ad quem summa
 belli

belli administrandi delata erat, cuiusque amplissima erat auctoritas, à Guillelmo Stuardo Vesinio, forti viro captus, cum à plurimis militibus ad necē quæreretur, tamen propter cognationem Amirallij, & Condæi periculum seruatus ab eodem, atque incolumis ad urbem Aureliam perductus est. Rebus ita exulceratis, & pace iam planè desperata, cum Guisius castra prope Aureliam admouisset, eamque vna ex parte grauissimè oppugnaret: Amirallius, Andelotto fratre ad urbis præsidium relicto, in Nortmāniam profectus, Cadomi oppidi arcem obsidere cœpit, in quam se paucis illis diebus, Marchio Elbeuius, vnus è Guisij fratrib. receperat: qui vrbe capta, de cōpositione agere cœpit, arcemque & arma omnia in Amirallij potestatē tradidit. Erat per id tempus in Guisij castris adolescens Ioannes Poltro tus Meræus, nobili familia natus. Hic cum & religionem amplexus & multos menseis in Condianorū partibus versatus esset, Lugduni repentè consilium cepit, interficiendi Guisij, quem vt certissimum patriæ paricidam, & tantarum calamitatum auctorem, crebrò in familiaribus colloquijs precibus omnibus detestabatur. Itaque cum identi-

dem illud in ore haberet, Dolus an virtus, quis in hoste requiratur? pro perfuga in illius castra proficisci statuit: relique gerendae occasionem, quibus posset modis, captare. Nam si quo (inquibat) vel clientelae, vel beneficii genere, vel villo iureiurando illi obstrictus essem, nulla conditione perfidiae infamiam subirem. Verum cum illi nulla fide sim obstrictus, quidni Scauolae virtutem in consilio de Persena rege interficiendo imitarer? Hac mente Poltrotus, aliquandiu in Guisij castris versatus, oblata occasione, dextrum ipsius humerum glade plubea transfodit: quo vulnere paucis post diebus Guisius interiit. neque illo mortuo, quidquam morae fuit quin pax continuò coagmentaretur. Edicto quoque renouato libertas colendae religionis certis conditionibus per vniuersam Galliam permissa est. Ex quo ratiocinari plerique omnes coeperunt, ut Helenam Troianis, sic Guisium Gallis tantorum malorum causam praebuisse. quippe, cum illo sublato, bellum tam repente oppressum, extinctumque esset. At paucis intermissis mensibus, cum Amirallius accitu Regis in Aulam profectus esset, nouum illi muliebri bellum illatum est. nam Guisij vidua suppliciter ad Regis pe-

des aduoluta , cædis illius ultionem multis cum lachrymis postulauit , cuius auctorem ac machinatorem Amirallium esse affirmabat. quod cum Amirallius animaduertisset , & superioris cuiusdam impulsu eam agi fabulam intellexisset , ut qui armisvinci non potuerat , rabulariis artibus caperetur : pri- mum Regi & ipsius matri , vniuersoque concilio demonstraui , cædis illius auctore Poltrotum iam pridem accusatum , supplicio- que affectum fuisse. iure , an iniuria , non illud esse disputandi tempus. utcumque se res haberet , si crimen illud fuerat , acerbissimo Poltroti cruciatu satis superque expiatum fuisse : nam viuis quadrigis Lutetiae distra- ctus fuerat. Præterea non modò confitètem eos reum , verumetiam profitentem & glo- riantem habuisse , confirmantemque sibi eā mentem diuinitus inlectam : neque dubita- re , quin & gratum Deo obsequium , & pa- triæ summum ac salutare officium præstitis- set , qui tyrannum , semper furentem , sem- per bacchantem , semper Christiani sangui- nis sitientem , de medio sustulisset. si quid Poltrotus in vinculis , & publica custodia impunitatis spe proposita , & blanditiis ille- ctus aduersus se pronuntiassè diceretur , cō-

seruandum eum fuisse: quemadmodū ipse;
dum Polkrotus viueret, publicāque custo-
dia teneretur, multis literis ac denunciatio-
nibus flagitarat: vt bello confecto, legitimo
iudiciorum more, coram ipso interrogare-
tur. nunc mortui hominis, neque testimo-
nium, neque indicium cuiusquam momen-
ti in rei capitalis iudicio esse oportere: præ-
sertim aduersus eū, qui tantam in Regno di-
gnitatē obtineret. Præterea, si maximè vel
ipse, vel quiuis alius è suo exercitu, Poltro-
tum ad illud consilium impulisset: tamen
ecquid criminis videretur, si quid hostis
aduersus hostem hostiliter egisset? num
vllæ tum induciæ fuissent, aut vlla vel pa-
ctione vel iureiurando obstrictus illi Ami-
rallius fuisset? Cur Duces in castris suis cor-
poris stipatores haberent? Denique, vt hæc
omnia non essent, tamen pacem non mo-
dò inter vtriusque partis milites, sed mul-
tò magis inter ipsos Duces, & rei militaris
præfectos, bono publico reconciliatam fuif-
se. à quo bono publico & ciuili concordia;
nouum istud querimoniarum genus abhor-
reret. Quòd si quæstionem de illa cæde de-
cerni postularēt, se quoque vicissim à Rege
postulare, vt sibi aduersus ipsos instituendæ
accus

accusationis potestas fieret. neque enim magno negotio planum fieri posse, Guisium, & crudelitatem nefariam in Regis subiectos exercuisse, & sacrosancta omnia Regni decreta Regis edicto confirmata violasse, & armis priuato consilio capiendis, perduellionis crimen admisisse, statumque regni conuellisse: omnia denique & humana & diuina iura permiscuisse, facemque tantorum incendiorum fuisse, quibus Gallia menses circiter XIII. exarserat. Hac Amirallij oratione audita, eademque tamē actione aliquoties insequentibus annis à Guisiis renouata, tandem Rex ad urbem Molinium principes ac primores regni & amplissimos quosque senatores & consiliarios suos euocat, Cardinalem Lotharingum, adiuncta sibi fratris vidua, verba pro ea parte facere iubet. simul Amirallio, siquid vellet, ad ea respondendi potestatem facit. Causa vtrinque perorata, tū Rex de consilij sententia quærit ab iis, ecquē ex eo consilio reiiciendum ac sibi iniquum putarent. Omnes sibi probari responderunt. Tum iterum quæsiuit, an sibi ius de ea criminatione dici postularent, an re iudicata se staturos promitteret. Paucis interiectis diebus, cum se vtraque pars Regis sententia li-

bentissimo animo staturā respondisset, die Ianuarij XXIX. anno M.D.LXVI. sententia ita pronuntiata est (illam enim ad verbū expressimus) Rex utraque parte audita, causāque in cōsilio cognita, sententiisque Principum & consiliariorum suorum dictis, quæ omnes inter se sine vlla cuiusquam varietate consentaneæ congruentēsque fuerunt, pronunciat Amirallium Castellonium homicidij Ducis Guisij expertem atque innocentem videri: eūque hoc nomine iudicio absoluit. Simul procuratori suo generali perpetuum eo nomine silentium imponit, aliisque omnibus ad quos eiusmodi negotia pertinent. Vetat præterea ne quis aut ex iis qui aduersarij in hac causa fuerāt, aut vllus alius e suis subiectis vllū verbum hac de re vnquam facere audeat: ne quis ex iis qui in suo regno iuridicundo præsunt, lege apud se eo nomine agi patiatur. Vtranque partem in suam se fidem & tutelam recepisse pronunciat: iubetque vt posthac placidè atque amicè sub imperio suo degant: neque quidquam alij in alios moliantur. Si quis vel ex iis qui in hac causa aduersarij fuerunt, vel ex ipsorum cognatis, propinquis, necessariis, amicis, aduersus hoc

decretum fecerit, eum contra Regiam maiestatem facturum, & perduellionis reū futurum: quippe publicæ pacis ac tranquillitatis violatorē. ob hæc res placere, ut hæc sentētia in omnibus Regni Parlamētis promulgetur. Sed iam ad superioris anni consilia redeundum est. Non ita multis post mensibus accidit quiddam, quod, cum lenissimi ac mitissimi ingenij testimonio esse possit, minimè prætereundum videtur. Habuerat Amirallius per annos aliquot in domesticorū ac familiarium suorū numero, Hamberuillerium quendam, nobili familia natū: cuius opera in obeūdis honestissimis quibusque negotiis utebatur. eius literæ quædam in Aula interceptæ sunt, quibus scribebat ad eos, quos nihil attinet in præsentia nominari, se propediem mandatum sibi negotium confecturum: atque Amirallio fopporiferam potionem præbiturum. Cum illæ Amirallio redditæ literæ fuissent, hominē ad se accersit, iubet eū aliquot versus in charta ibi parata sua manu exarare. Comparatione utriusque scripturæ facta, quærit ex eo, ecquid suam manum in illis literis agnoscat: quibus recognitis conscientia & facinore conuictus, confestim in terram procumbit:

Herique misericordiam implorat. Tum Amirallius ei sese ignoscere pronūciauit: sed ea lege, vt quamprimum ex ipsius familia excederet, neque vnquam in suum conspectum veniret. Deinceps ad aulica superioris anni consilia redeundum est. Nā aliquot post pacem promulgatam mensibus, Regina mater consilium cepit, Baionam ad generum suum, Hispanum Regem proficisci, secumque suos filios deducere: ea mente, quæ paucis, per id tempus, cognita, postea tragicis rerum euentis patefacta est. Primum igitur iter Lugdunum instituit, quod vsque ad illud tempus propter religiosorum ciuium atque incolarum multitudinem, illorum potestate tenebatur. quò simulatque peruenit, Italici architectis fabrisque vndecunque adhibitis, arcem, quam vulgò Citadellam vocant, in propinquo colle celeriter exstrui imperauit, quæ subiecto opido immineret. Coeperat paulo antè sæuissima grassari pestis, iamque ad Aulicos peruaserat: neque tamen prius animum inducere Regina potuit, suos inde liberos abducere, quam iacta illius arcis fundamenta videret. Vbi pestem in regiam ipsam peruasisse sensit, Lugdunò præfectum imposuit Lossium, hominem fe-

rum ac barbarum, hostémque religionis infestissimum, eique aliquot militum insolentium præsidium attribuit: qui ciues religioni addictos, assiduís iniuriis contumeliisque vexarent. Pòst quacumque Rex iter tanto comitatu fecit, quamcumque per urbem, pagum, vicum, castellum deductus est, mirabile dictu est, sed tamen notum & omniù sermone peruulgatum, tanta comitatum illum regium pestilentia infectata est, ut Rex per trës menses nunquam, nisi præsentí periculo coactus, & tanquam vi domo eiectus excederet. Dum hæc geruntur, & Regina mater Baionæ cum filia, Hispanorum Regis coniuge, & eiusdem Regis legatis consilia communicat, Mareschallus Monmorancius, (quem Rex urbi Lutetiæ cum summo imperio præfecerat) certior factus est, Guisios clandestina consilia inisse de plebe Parisiensi aduersus eos qui Lutetiæ veram & castam religionem colebant, concitanda: eodem Lotharingum Cardinalem propediem cum magno armatorum comitatu affuturum. Fuerat iam aliquoties edictis regijs interdictum, ne cui cum arcibus, néve cum pistulis esse, iterve facere, liceret. Vbi Monmorand.

cio nuntiatum est, Cardinalem, eiusque comites his telis armatos in urbem introiisse, confestim præsidio suo comitatus illi obviam procedit: atque arma & tela deponere imperat. Quam sibi grauissimam impositam contumeliam Cardinalis & eius fratris filius Guisus adolescens, interpretati sunt. ac frequenter ex ijs auditum est, cum dicerent, facinus illud Monmorancio vita constaturum. Hoc tumultu in urbe excitato, ubi L. X. armatorum milia vno die Cardinalis in Monmorancij necem commouere potuit, visum est Monmorancio amicos ad se suos euocare, in primisque Amirallium: qui equitibus circiter CCC. comitatus, die Ianuarii XXII. Lutetiam accessit. quæ res cum infirmam plebem superstitionibus mirificè deditam, tum verò sacerdotes, monachos, ac præsertim maioris templi canonicos ita perterruit, ut non pauci ex eorum numero de fuga cogitarent. Postridie Monmorancius Parlamenti prætores & qui tum in urbe summæ dignitatis videbantur, domum ad se accersit. Ad eos, adhibito Amirallio, verba facit de Lotharingi Cardinalis audacia,

cia, & factiosis consiliis, simulque de quorundam ciuium coitionibus, qui cūm rumores passim dissipassent, quasi Amirallius manus cogeret, & Rege in longinquis oris absente, diripiendæ opulentissimæ vrbis consilia caperet: optimum factū sibi visum esse, eum euocare, vt quid sui animi esset, liberè apud ipsos eloqueretur. Tum Amirallius: Iampridē (inquit) mihi comperta sunt quæ hīc de me ab iniquis & maleuolis spargūtur. quasi occupandæ huius vrbis consiliū ceperim, quam huius Regni arcem & clarissimum Gallia lumen esse constat. Verūm hæc consilia ijs consentanea sunt, qui sibi nescio quid iuris in eius Regni successione vindicant, & Ducatus ac Comitatus quosdam sibi restitui oportere contendunt. Ego certè neque in Regnum, neque in vllam eius partem quidquam mihi iuris arrogo. Quod si facerem, nulli puto his quingentis annis è nobilitate Gallica tantā rei cōturbandæ facultatem oblatā fuisse. Memoria tenetis, interfecto Duce Guisio, dū Comestabulus Aureliæ in mea potestate esset, quantā rei gerendæ occasio-

nem habuerim, si tumultuandi animus fuisset. at nullo vnquam tempore vehementius Reginam matrem & Regios senatores, pacem poposci, quàm cùm florētissimæ res nostræ videbātur. quis ignorat, eo tempore pacē à me summis precibus summâque cōtentione efflagitatam, cùm vrbes quamplurimæ & nobilissimæ feseiam pridē in meā fidē dedissent, & complures aliæ tum Nortmanniæ, tum Armoricæ ciuitates suā mihi amicitiam & societate vtrò deferrent? quis nescit, me cùm post pacē impetratam ambitioni & petendis ab Rege imperiis atque honoribus seruire potuissem, tamē maluissem domum me recipere: ibique ad hoc vsque tempus modestè & placidè priuatam vitam agitare? Verùm his omissis, vt quod instat agamus, euocatus à Mareschallo Mōmorancio, properaui huc ad vos venire: nō quidquam nouandi aut conturbandi studio, sed potius ea incendia exstinguendi, quæ nuper quorundā audacia propemodum excitata sunt. Neminem vestrum ignorare arbitror, quantum ij qui puriorem religionē profitetur, fidei mihi tribuāt, complures ex ijs, nouis istis rumoribus permoti & Guisio-

rum

rum consiliis & factionibus perterriti, quotidie ad me ventitant. afferunt interceptas litteras de centurionum quorundā coitionibus, qui veteres suos milites paratos esse in armis iubent, vt cū vsus venerit, primo quoque tempore præstò sint. Quid verbis opus est? Interceptæ sunt litteræ in Nortmanniâ scriptæ, quarum ipsa auctoritas ad Reginam matrē perlata est. earū ego hîc è meis oculis exemplum vobis edo: atque vnum caput recito. Nulla commodior facultas est restituendi Coronam Galliæ ijs, quibus antiquo iure debetur, deleta Valesiorum gente ac stirpe, quàm si Hugnotti, qui eam tuentur, ad vnum omnes trucidentur. Itaque filuæ illorum proscribendæ sunt, vt ex pretio redacto, arma nobis & pecuniam comparare liceat. Quod si Hugnotti litigent, certè re iudicatâ, de litis expensis controuersiam non mouebunt. Iam verò, quid cædes & latrocinia propè quotidiana commemorem? Satis constat, post pacem promulgatam, amplius quingentos è Religiosorum numero, varijs locis interfectos fuisse. quorum tamen ne vnius quidem cædes à magistratibus vindicata est. Qui ea de re apud Regem & Reginam

D. iij.

matrem queruntur, verba aut inane aliquod chartæ folium, aut membranæ pellem auferunt. Quis nescit, nuper in Turonum ciuitate palàm, atque adeo sub vexillo & signis militaribus, etiam eo quem Dux Monpenserijs pacis constituendæ causâ miserat, inspectante, magnam Religiosorum cædem factam fuisse? Quæ cum ita sint, tamen nonnullos è sacerdotibus vestris esse aiunt, qui tanto propter meum hanc in urbem aduentum terrore affecti sunt, vt de vrbe relinquenda consilium capiant. Atqui nullus cuncta Gallia locus est, nullum opidum tam munitum, arx nulla, castellum nullum, vbi sacerdotes tutius & securius agitent, vbi suas ceremonias ac missificationes exerceant, quàm apud me in opido meo Castellonio. Huiusmodi habita oratione conuentus dimittitur. Postridie ad Monmorancium venerunt delecti è Parisiensium mercatorum numero circiter triginta. post etiam Episcopus Parisiorum vnà cum rectore Academiæ, & quàmplurimi è sacerdotum ordine eodem accesserunt. quos benignissimè Amirallius allocutus, omnes bono animo esse iussit.

Inse-

Insequentibus etiam diebus in Curiam
Parlamenti introductus, multis verbis con-
firmavit, nihil sibi optabilius esse concor-
dia civium, & ocio: neque alio animo
se hanc ad illos profectorem suscepisse.
Darent ipsi vicissim operam, ut civitas
sedate & placide contineretur. His consti-
tutis rebus, Amirallius domum reuersus,
certior ab amicis factus est, Maium quen-
dam, hominem tenuem, qui non pro-
cul ab arce Castellonica villam habebat,
hospitibusque mercede excipiendis, la-
trocinia exercebat, precio ab Aumallio
Guissii fratre conductum, insidias sibi com-
parare: si quo forte venatum exiret. ac
iam eo nomine centum illi scutatos
aureos adnumeratos, simulque genero-
sissimum equum dono datum fuisse. Eò
accedebar, quòd Amirallius de latrocinis il-
lius sæpius admonitus, persæpè intermina-
tus fuerat, si diutius de iis rebus audiret,
se nomen illius inter sicarios delaturum:
paucisque antè dieb. testes nactus idoneos
reū illū de latrocinis complurib. apud Se-
natū Parisiensem fecerat. Cognitis Maii insi-
diis atque Amirallio nūtiatis, insidiatori cō-
trà paratæ insidiæ sunt: paucisq; post diebus

cōprehensus Maius Luteriam in iudicium eductus, criminari Amirallium, aliosque nonnullos cœpit, quasi secum de Regina matre interficienda egissent, magnūque sibi eius facinoris nomine præmium proposuissent. sed à Parisiensis Parlamenti senatoribus cognita calumnia, & quæstione de latronicijs constituta, damnatus, & Lutetiæ in platea celeberrima Rotæ supplicio affectus est.

Non ita multò pōst, cū Principi Condæo natus esset filius, Rex ei de more nomen imponere statuit. sed cū id per religionem satis commodè fieri non posset, Amirallio deferri honorem illum voluit: eiūque mandavit, vt suo nomine infantem baptisandum & sacris initiandum curaret. Quæ res maxima pompa (vt in Principum aulis fieri solet) & Regali apparatu peracta est. Nam in conuiuio mensa Regio more Amirallio strata est, ad quam solus, Regis instar, confedit: ministrique illi epularum, tanquam proregi, adhibiti: quod singularis in illum Regis beneuolentiæ argumentum omnes interpretabantur. Non ita multò pōst nuntius
allatus

allatus est, Ferdinandum Ducem Albanū,
exercitum Hispani Regis nomine ac mān-
datu, in inferiorem Germaniam deducere,
ad eos motus comprimēdos, qui propter Re-
ligionis studia & partes excitati fuerant.
Cum propè à Galliarum finibus copias illas tra-
ducturus esset, Amirallius in consilio Regis
postulare cœpit, ut Burgundiæ providere-
tur: ac ne quid fortè, propter Religionis stu-
dium, tumultus exoriretur, copiarum ex Helue-
tiis potius quàm ex Gallis præsidio ei pro-
vinciæ collocarentur. neque alia tū in vul-
gus opinio fuit, quàm illum Helvetiorum
exercitum qui sex hominum millibus con-
stabat, Albani copiis opponi, siquid fortè in
Burgundiæ finibus tētare. Verùm aliquot
interiectis diebus, Princeps Rupisurio, Re-
gio prognatus sanguine, per literas ab Ami-
rallio petiit, ut aliquem è suis, cui maximè
confideret, ad se arcanò mitteret: per quem
ea nunciare posset, quæ ad ipsius salutē ma-
gnopere pertinerēt, neque in vulgus efferē-
da essent. paucisque pōst diebus, ipse Rupi-
surio, qui Condæo Principi propter eā pro-
pinqutatem Regiam amicus erat, secretò
enuntiat, consilium Baionæ captum fuisse,
de religione, quam Reformatā appellabat

funditus delenda, & iis, qui eam professi fuerant, opprimendis. Ad eam rem, illas Heluetiorum copias conduci, per speciem præsidiorum in Galliæ finibus aduersus copias Ducis Albani, opponendorum: eodémque tempore Amirallius multorum & literis & nunciis certior factus est, Heluetiorum copias in Galliæ fines, atque intimam Burgundia partē adduci. Quare cognita, primū Princeps Condæus, aliquāto post ipse quoque Amirallius ad Regiā profecti sunt: Regique & ipsius matri atque consiliariis demonstrat, nullam se videre causam idoneam istas Heluetiorum copias in Regnum inducendi: nisi fortè ad sese & tot honestissimas familias, quæ Religionem colebant, opprimendas. At maiorem esse numerum eorū, qui religioni nomen dederant, quàm vulgò existimaretur. Eius rei periculum superiore bello factum. siquid ab suis aduersariis nouarū rerum moliri intelligant, se sibi nō defuturos, neque facilè sese à latronibus iugulari passuros. Rogare atque obtestari Maiestatem Regiam, ut vel tot familiarum honestissimarum, vel certè afflictæ patriæ, ac perditæ plebis Gallicæ misericordia caperetur. Repudiati in Regia, & cōtumelio-

se accepti, cum etiam magnum se in vltæ discrimen adductos intellexissent, cōsiliū capiūt, neque sibi, neque tot Ecclesiis Christianis deesse, postulatu præsertim quamplurimæ nobilitatis, & bonorum ciuium innumerabilium rogatu. qui magistratuum iniurias, quibus assidue vexabantur, diutius se ferre non posse querebantur. His rebus constitutis, cum intelligerent Regium nomen summum apud ciuitates pondus habiturū, Guisumque propterea bello superiore operam dedisse, vt Regem in potestate haberet, consilio cum paucis communicato, occultè ad Regiam profecti sunt, si qua ratione Regem à Guisianorum & Regina matris potestate abducere possent: vt remotis ab ipso improbis consiliariis, publicæ paci atque concordie prouiderent. Verum ab vno è consciis proditi, eius rei conficiendæ facultatem amiserūt. qua de causa bellum aperto Marte gerere coacti sunt. Cum ad urbem Lutetiam accessissent, censu habito, reperti sunt in ipsorum partibus, equites paulo minus mille: pedites circiter trecenti. nam pridie eius diei Andelottus magnam copiarum partem secum in opidum Possiacum adduxerat: vt pōte in Sequana flumi-

ne occupato, commeatum Parisiensibus intercluderet. Lutetia exierunt peditum XV. millia, equitū amplius sex millia, duce Comestabulo: qui cōmisso prælio grauiter vulneratus, paucis pōst diebus interiit. In eo prælio, singularem Dei in Amirallio cōseruādo prouidentia animaduerrere licuit. nā cū equo ferociore vteretur, quique oris propemodum esset indomiti, catenula qua frenum sub inferiore labro retinetur, abrupta, bis per mediam hostium aciem transuectus, nullo tamen vulnere affectus est. sed cū cum pistularij appeterent, vnus glan-
de ictus equus reduci se in agmē facilē passus est. Multis vltro citroque acceptis detrimētis, sed præsertim ex Condianorum parte, profligato tamen Regio exercitu, atque in urbem Lutetiam compulso, commodissimum Condæo & Amirallio visum est, in Lotharingiam proficisci, ad eos equites, qui subsidio ipsis de Germanorū aliquot Principū sentētia mittebātur. Nā externos iterū externis oppōnere necessariū videbant. In eo itinere cū aduersarij magnis eos copiis confectarentur, quibus Henricus Regis frater, Dux tum Andicus, nuper Poloniæ, iam verò Galliæ Rex factus præerat, assidueque
nouis-

C O L I N T I V
nouissimum agmen premerent, multis sa-
pè incommodis afficiebantur. Vbi in Lo-
tharingiam ventum est, quò magnus Ger-
manorum exercitus, duce Casimiro, Palati-
ni Electoris filio, venerat, noua tum pertur-
bationis ac tumultuum materies exorta
est. Debebatur enim illis Germanis aliquā-
ti temporis stipēdium, neque vnde vel per-
exigua illius pars comparari posset, reperi-
batur. Huic incommodo remediū ex tem-
pore Amirallius reperit. Postulauit, vttribu-
tum in capita imponeretur, quoad cuius-
que non modò equitis, aut militis, verum-
etiam lixæ, aut calonis facultas ferret. Pri-
mus ipse Amirallius, ex arca sua quingētos
aureos ad numerari iussit. Idē alij omnes pro
se quisque, Quæstorib. per singulas turmas
cohortēsque dimissis, fecerunt. simul etiam
quod apud principem Condæum, Amiral-
lium, Andelottum, Rupifocaldium argenti
facti repertum est, totum est in eā rem Quæ-
storibus attributum. Ita perexiguo tempo-
re, summa omnium voluntate, redactum est
libellarum ad millia octoginta: iudicatum-
que illo Amirallij cōsilio salutem exercitui
allatam, cui non modò aduersarij immine-
bant, verumetiam focij atque auxiliares

Germani minabantur. Coniunctis Germanorum & Gallorum copiis, repēte aduersarij, conuerso itinere, Lutetiam magnis itineribus contenderunt. quam sibi gravissimam imponi contumeliam Henricus Regis frater iudicabat. Cōdiani autem alacres, ac pleni spei bonæ ad Carnutum obsidendum profecti sunt. quōd cū aliquandiu tormentis verberassent, murique partem deiecissent, iāmque ad irruptionem faciendam Andelotto duce parati essent: repentē Regis rubicines admissis equis interuenerunt, pacēque factam per suos præcones pronunciauerunt. nam eo nomine legati vtrique superioribus diebus proximē Lutetiam conuenerant. Ita soluta obsidio, exercitusque à Cōdianis dimissus est. Dum Amirallius ea obsidione occupatus tenebatur, vxor eius, de qua superius mentio facta est, quæ sese initio belli Aureliani cum liberis receperat, graui confecta morbo, cū eius vim sustinere non posset, è vita excessit. Ad eam Amirallius, de morbi grauitate certior factus, relictis castris accurrerat: Medicisque quos potuerat adhibitis, beneuoli & fidelis mariti officium præstabat. Cū vi morbi superatam

Medico-

Medicorum artem Amirallius videret, supremumque ipsius spiritum Deo commendasset, in conclaue se subduxit, quò continuo complures consolandi causa familiares atque amici conuenere: è quibus non pauci hæc tum ab illo magnis singultibus & lachrymis pronuntiata meminerunt. Quid peccaui, mi Deum, aut quid commerui, quòd me tam acerbè castiges, ac tot ærumnis oneres? utinã sanctius vitã meam instituere, & melius pietatis exemplũ præbere possem. Respiciat me tua misericordia, sanctissime parens, & has meas acerbitates leniat. Tum amicorum piis sermonibus erectus, liberos ad se adduci iubet. his demonstrat, tantam hanc matris ipsorum iacturam debere illis documẽto esse, nihil sub sole illis præsidij restare, quo confidere aut niti possint. domos, arces, quantumuis munitas, ac magnificas nobis non domicilij, sed diuersorij causa, non mancipio & nexu traditas, sed precariò concessas esse. humana denique omnia fluxa & caduca esse, præter vnus Dei clemẽtiam, cui sese totos abiectis humanis subsidiis, traderent: non esse dubitandum, quin certissimum in ea præsidium haberent. Postridie filiorum

suorum præceptorem Grelleum ad se accersit. demonstrat sibi ad castra redeundum esse. nescite, quid sibi euenturum sit. rogat atque hortatur, ut filios suos curæ habeat, eosque in religione & pietate bonisque omnibus artibus (uti sæpe præceperat) institueret. illius porro matronæ summum semper (ut superius demonstratum est) erga religionē studium extiterat: summāque in perferendis & viri & suis calamitatibus constantia. ut verè multi affirmarēt, quā fidem proficiendæ religionis viro suo dederat (quod à nobis superius dictum est) eam sanctissimè ab illa cōservatam fuisse. Cum autem aliæ in illa virtutes ac dotes ingenij laudabantur, tum verò in primis singulare quoddam in pauperes, itemque in ægros studium ac beneficentia. Itaque cum assidue vel morbis affectos, vel faucios milites Aureliā deportatos inuideret, Medici non dubitavit, morbum illius magna ex parte ex illo fectore contractum, conceptumque fuisse. Patet (uti superius diximus) multis locis per tubicines Regios promulgata, vix triduum Amirallius domi commoratus est, quin, omnibus ex partibus, & litteris amicorum & nunciis certior fieret, non pacem illam, sed

reinte-

redintegrandi teterimi belli consiliū fuisse. Tantos enim locis omnibus belli apparatus animaduerti, ut nisi maturè provideat, propediem & Cōdæus, & ipse, & reliqui bellorum superiorum duces circumuenti, aduersariorum crudelitati dederentur. Eius rei argumento esse præsidia Aureliam, Altiſſiodorum, Blesas, ceterasque in vrbes deditas, introducta: pontes, pontones, strætusque omnes occupatos, retentum in intra Gallia equitatum, legiones duas ad speciem Regij præsidij prope Lutetiam retentis. Quibus compertis rebus, cautius ad suā salutem fore iudicauit, sese in Tanlianā villā ad fratrem Andellottum recipere: paulò etiam post, Nuceriam, quod erat opidulum satis munitum, in Principis Condæi diuisione: quò se ipse paulò ante cum coniuge & familia propter eandem causam receperat. In eo itinere accidit, quod propter rei nouitatem prætermittendum non videtur. Est stagnum haud procul ab opidulo Molinio quā iter est Altiſſiodurom. Cum ad illud Amirallius accessisset, senex quidam ex ipsius comitibus, nomine Gripperius, multarum & longinquarum nauigationum per-

ritus, ceteroqui fide in Amirallium, ac studio singulari, nubem atram animaduertit, vi ventorum impulsam, vehementius in eam partem ferri: simulque Amirallium multis audientibus monere cœpit, ut equum incitaret, & ad vicinum pagum properaret, ne adflicti propinquæ tempestatis opprimerentur. Vnum eloquutus, fidem sibi habitam, ceterosque subsequi existimans, ante omnes præcurrit. Vix e conspectu abierat, cum tanta repente tempestas, dum Amirallius angustos stagni aggeres præterucheretur, exorta est, ut multi turbine non modo equites, verum etiam equi dicerentur: plerique vi ac pondere grandinis vulnerati, ac tantum non oppressi fuerint. Amirallio ventus pileum auulsit: qui Sedara tempestate nunquam reperiri potuit, sed alterum ei vnus e comitibus tradidit: neque vlla in parte nisi ad commissuram tali, vehementiori grandinis ictu, leui plaga affectus est. Quod si in eam partem qua stagnum erat, vis venti increbuisse, nemini dubium fuit, quin is postremus & Amiralli & comitum omnium vitæ dies fuisset. Sedara tempestate Amirallius suos
confo-

consolatus, Grates tibi, inquit, ago Deus
omni potens, cuius hoc portentum esse iu-
dico, futurū breui, vt multis ærumnis pre-
mamur, sed non opprimamur. Vbi ad Nu-
ceriam ventum est, crebri ad Regem nun-
cij ab iis cum litteris missi sunt, certiores se
quotidie fieri de insidiis, quæ vitæ suæ pa-
rarentur. suppliciter ab ipsius Maiestate pe-
tere, vt patriam duobus iam ciuilibus bel-
lis fatigatam respiceret, nève excitatum à
Guilianis incendium, Regni ruina, sed sa-
lute potius & sapientia sua restingeret. si-
mulque Amirallius ad Margaretam, Regis
Francisci Magni filiam, Duci Sabaudia nup-
tam, cuius auctoritatem magnū apud Re-
ginam matrem pondus habituram spera-
bat, litteras misit, eamque precibus omni-
bus obtestatus est, vt aduentantem illam
tempestatem, pro sua auctoritate, ab affli-
ctæ & euersæ patriæ fatali casu auerteret.
Vbi nullum pacatis remediis relictum lo-
cum animaduertit, certiorque factus est,
Tanannium, qui paulo post Regni Ma-
reschallus factus est, occultè copias suas ad
Nuceriam adducere, conarique illos circū-
sistere, Principi Condæo consilium dedit, vt

fese illinc subduceret, Rupellamque quam-
maximis possent itineribus cōtenderet: quæ
propter antiqua quædam iura & privilegia
nullū vsque ad illud tempus præsidiarium
militem admiserat. Erat in itinere Liger flu-
men transeundum: cum in comitatu Cōdæi
Principis vxor esset, vnâque lex ipsius paruu-
li liberi: in his vnus anniculus. Hos postridiē
secuti sunt Amirallij & Andelotti paruuli
liberi, quos nutritij nocte intempesta Ami-
rallij mandatu eduxerunt, Ligerique trans-
misso in Biturigum fines ad comitatū per-
duxerunt. Ac miratum res accidit, cuius
etiam nunc innumeri testes ac spectatores
superfunt. Cū speraret Condæus dua-
bus se tribusve nauculis subitō è ripa oc-
cupatis occultè transiturum, vbi ad flu-
men accessit, quo Sancerrani collis radi-
ces alluuntur, vadum repertum est, qua e-
quites circiter quinquaginta qui eum co-
mitabantur, traducti sunt. At matres fa. &
pueri, totumque gynæceum, nauculis tra-
iectum est. Vix traducti omnes erant, cum
repentē serenissima die circiter trium ho-
rarum spatio ita flumen exereuit, vt San-
cerrani, reliquique omnes eius vicinatis
incolæ

incolæ miram Dei prouidentiam agnoscerent, bonisque omnibus paruulos illos pueros, & vagiētes in cunis infantes prosequerentur: His cognitīs rebus, Rex Aulicorum suorum consilio repentē cataphractos omnes suos equites, præsertim qui in Santonum & Pictorum finibus erant, ad Rupellam proficisci iussit: fratremque suum Henricum, de quo supra mentionem fecimus, qui eodem quantascunque copias posset, deduceret, milit. Religiosi interea, qui se suam quisque in ciuitatem, pace facta & fide Regia freti receperant, oppressi à multitudine, ac passim trucidati sunt. Dum hæc geruntur, Ioanna Nauarrorum Regina, quæ superioribus se bellis domi continuerat, tam nefariam, ac toties renouatam perfidiam detestata, copiis quas potuit, celeriter comparatis Rupellam profecta est: secumque filium suum Henricum, ad quem postea ipsius morte, Regni hereditas rediit, vnâque filiam deduxit. Superioribus rebus, uti iam dictum est, constitutis, eductisque Rupella tormentis, Amirallius opidum Niortum oppugnare instituit: neque multis intermissis diebus,

illud deditione accepit. Mox ad Engolismum copias adduxit. Hoc opidum situm est in colle summo, omnibus præter vnam, partibus circumciso: quò magnum superioribus diebus præsidium ab aduersariis deductum fuerat. Amirallius qua ex parte aditus patebat, eò adigi tormenta iussit: cumque dies aliquam multos illud oppugnasset, opidanorum deditione illo est positus. Aliquãtò post ad opidum Iasenullium prælium inter primas vtriusque exercitus acies commissum est. Nostræ præerat Amirallius: qui tanta vi in aduersarios perrupit, ut cum illius impetum sustinere non possent, fuga salutem quærerent, seseque Lusinianum versus reciperent: impedimentaque omnia defererent. Præda amplius quinquaginta aureorum millibus æstimata est. postridiè scribæ Regi, cui Fizio nomen est, literæ ad Reginam matrem scriptæ, interceptæ sunt, quibus illam cladem deplorabat: addebat etiam, nunquam post homines natos vllum Franciæ filium (popularis illa locutio est) tantum vitæ discrimen adiisse. Non ita multò post Amirallius Iarnacum (quod vicinum opidum est) profectus, in extremam dimicationem adductus est: neque quidquam

quam propius fuit, quam ut in aduersa-
 riorum potestatem veniret. Nam cum ex-
 ploratores cognouissent, eum consilium
 cepisse, iunctis nauculis amnem haud ad-
 modum latum, qui opidum alluit, transi-
 re, clanculum in altera ripa subsederunt: a-
 nimaduersoque Amirallio repentè arcibu-
 sarij iaculari in eum cœperunt: alij etiam
 per pontem irrumpere contenderunt. For-
 tètum ibi fuit arcibusarius vnicus, qui sæ-
 pius iaculando impetum prohibuit: sed cre-
 bris glandibus appetitus ac transfixus con-
 cidit. Eius in locum alij clamore illius exci-
 tati cireitè XII. succurrerunt. Amirallius i-
 pse districto gladio (nam lorice induenda
 spatiū nō habuit) ad ripam profectus, funes,
 quibus deligatae nauiculæ fuerāt, præcidit:
 quo spacio aduersarij qui ripā alteram obti-
 nebant, nunquā in eū iaculari destiterunt,
 qua de causa ille ex hac die sui corporis sti-
 patores, ad huiusmodi repentinos casus, ha-
 bere instituit. Duobus interiectis diebus, cū
 aduersarij Charentum flumen traiecissent,
 Princeps Gōdæus veritus ne ab iis circūstite-
 retur, etsi tria se illis Germanorū equitū mil-
 lia, paulò antè, Heluetiorū autē sex millia,
 de principio belli cōiunxerāt: tamē ut ma-

gno in præliis ac fortissimo erat, transitū il-
 lorū intercludere statuit: neque tamē iusto
 prælio rē cōmittere. Inter ea negotia nun-
 ciatū est Amirallio eos qui pridie sub no-
 ctē pagū hostibus proximū occuparant, cir-
 cūuentos atque in extremū discrimē addu-
 ctos, sese tamen fortiter defendere. His de-
 esse Amirallius noluit, celeritēque aliquot
 coactis equitibus ad eos ire contendit. Quē
 ubi hostes agnouerunt, repente orbe facto
 magna vi circumsteterunt. qua re Condæus
 cognita, haud paulo ab animo, quā viri-
 bus paratior, mediā aduersariorū aciem per-
 rumpit, ibique multitudine oppressus, cōfos-
 so equo, deiectus, atque interfectus est. Tan-
 to incommodo, neque minore solitudine
 affectus Amirallius, summæ rei diffidens, in
 opidum Saniandāgelicum, cum Andelot-
 to fratre se recepit. Et cū acceptā in Con-
 dæi corpore cōtumeliam, in quamplurimis
 potentissimorum & nobilissimorū hostium
 corporibus vlcisci, parēmque pro tanta in-
 dignitate gratiam referre posset: naturæ ta-
 men atque humanitatis iura sibi retinenda,
 iustāque defunctis persoluēda statuit, in eō-
 que quādiu bellum productum est, perse-
 ueravit. Erat tum (vt superius demonstrarum
 est)

est) Ioanna Nauarrorum Regina Rupellæ,
quæ nuncio de tanta clade accepto, celeriter
in castra contendit: primosque totius exercitus
consolata, militesque ne pristinae
virtutis obliuiscerentur, cohortata, filium
se suum vnicum Henricum (ad quem ipsius
morte Regni hereditas rediit) iis se Imperatorem
donare ac tradere pronuntiauit: a-
pertæque testata est, non sibi vnici sui filij
vitam, quàm totius exercitus salutem cari-
orem esse. Huic in tanti honoris societa-
tem Henricus Princeps Condæus Ludouici
F. adiunctus est. Verùm omnis belli ad-
ministrandi curam, reique militaris laborem
principes, turmarum duces, ac centuriones
omnes vno consensu Amirallio mādau-
runt. quippe, quo neminem amplioris apud
Religiosos auctoritatis fuisse constabat. Et-
enim præter summam rei militaris scientiam,
iustitiam, temperantiam, constabat inter
omnes, illum primum ex omnibus Regni
proceribus religionem amplexum, palam-
que professum fuisse: primum domesticam
disciplinam ad religionis normam emen-
dasse: primū ausum esse apud Regem Fran-
ciscum secundum, qui Guisianorum affi-
nitate implicatus tenebatur, de postulatis

Ecclesiatarum referre, supplicemque illarum nomine libellum ad Regium consilium deferre: primum pietatis exemplum nobilitati Gallicæ præbuisse, quam propter flagitiosissimam aulæ Regiæ consuetudinem perditissimis moribus fuisse cōstabat. Præterea postquam religionem semel amplexus fuerat, nullam in Ecclesiis reformatis vel minimam offensionis causam præbuisse: cumque ad eum undique illarum Ecclesiarū nomine accurreretur, prudentissimū semper omnibus consilium impertisse. arma non oppugnandi Regis causa (vt nonnulli loquebantur) sed Reginæ matris rogatu ac precibus cepisse: neque tamen priuato vel suo, vel Reginæ matris consilio id fecisse: cū Rex annum XII. ætatis nondum expleuisset, sed fretum auctoritate publici concilij Aureliæ, (vt superius dictum est) habiti, post etiam edicti Regij, quod mē sibus aliquot interiectis Lutetiæ summa ordinū omnium voluntate scriptum ac promulgatum fuerat, Guisianorum contrā impulsu atque consilio factum esse, vt tot honestissimæ familiæ fortunis omnibus euerterentur: florentissimæ ac nobilissimæ

mae ciuitates diriperentur : tot Principes
ac proceres , summique rei militaris Du-
ces ac magistri , summo cum totius Re-
gni detrimento interficerentur : & (quod
caput est) tot florentes Ecclesiae , cun-
ctis ferè in Galliae opidis opprimerentur :
cò denique Galliae Regnum adductum , vt
iam cuius extero Principi ad prædam ac
direptionem pateret. His peractis rebus,
grauis Amirallio casus accidit , fratris An-
delotti morte , qui in vrbe Santonum re-
pentino morbo oppressus est : à quo vene-
ni suspicio non abfuit : eo magis quòd Bi-
raguij Procancellarij (qui aliquanto pòst
Cancellarius factus est) hominis Insubris,
vox in Regia persapè audita erat , totum
istud bellum non per homines armatos,
tanto molimento , tantisque iacturis , sed
per coquos & culinarios minimo nego-
tio conficiendum esse. Et quoniam pro-
ximis illis diebus Amirallius epistolam sua
manu ad suos , atque Andelotti filios ,
qui Rupellæ vno eodémque præceptore v-
tebantur , consolandi causa misit : quam i-
psius manum , atque chirographum præma-
nibus iam habeo , non alienum visum est , eã
totidem propè conuersam verbis , hunc in

imitandas cohorter, atque acuam, nam mihi quoque ipsi eius exemplum imitandum propono: Deumque ac dominum nostrum oro atque obtestor, ut mihi æquè piè ac beatè decedere ex hac vita liceat, ut ego illum decedentem vidi. Et quoniam eius desiderio maiorem in modum afficior, peto à vobis, quo moderatius dolorem istum feram, ut ipsius virtutes in vobis elucere, ac reuiscere animaduertiā. Quod ut assequi possitis, toto pectore in pietatem & religionem incumbite: ac dum in ista ætate estis, otium vestrum in litterarum studio consumite, quæ vos in viam virtutis inducant. Et si autem facile patior, vos iis horis, quas præceptor vobis ad lusiones concedet, à libris abesse: tamen videte, ne quid in lusionibus vestris, aut fiat à vobis, aut pronuntietur, quo Deus offendi possit. In primis præceptorem vestrum colite, ei que non secus ac mihi met ipsi obtemperate. Confido enim illum vobis nullum neque præceptum, neque cōsiliū daturum, quod vobis non & honori & emolumento sit futurum. Quod reliquum est: si me amatis, ac potius, si vos met ipsos amatis, date operam, ut semper iucundissimum de vobis nuntium accipiam: & quan-

& quantum annis & corpore, tantum pietate & virtute adolefcatis. Deus vobis omnibus benedicat, praefidioque fit, & Spiritu suo sancto vos in perpetuum teneatur. Sactonibus. XVIII Maij MDLXIX.

CASTELLONIVS: Neque verò apud ceteros fortis Amirallij animus in tanto dolore perferendo ignotus fuit. nã etfi eiusmodi fratrem amiserat, cui neque pietate, iustitia, virtute, neque rerum gestarum gloria & militari laude parem vllum cognorat, quemque identidem dexteram suum brachiũ appellabat, tamẽ crebris apud amicos suos sermonibus stare se diuina providentia pronunciabat. quippe, cum intelligeret, ac sapenumero illud in ore haberet, neque Dei Ecclesiam humanis consiliis, neque hunc Christianum exercitum Ductorum virtute administrari: ac plerumque de fratris morte apud suos commemorans, exclamare solebat: O beatum Andelortum: qui tam pie ac feliciter vitæ cursum exegit. Per id tempus nuntius eide alatus est de V Volphgangi Ducis Bipontini aduentu in Gallia cum exercitu Germanorũ firmissimo, quẽ nostris auxilio adducebat: deq; Ligeti ab eode exercitu superato, Charitroque expugnato, quod pons in eo

flumine Biturigū agro coniūgebat. Cum in
Lemouicū sineis ad opidū Challuciū Ger
mani copiis omnibus accessissent, Amiral
lius suas quoq; copias cū illis coniūgere sta
ruit. quo ipso die V Volphgāgus graui oppre
sus morbo è vita excessit. statimq; sūma im
perij Germanorū omniū volūtate Vvolra
do Comiti Māffeldēsi, qui praefectus ipsius fue
rat, delata lest. Eā cōiūctionē aduersarij ma
iorē in modū horrebāt neq; locus in Gallia
vllus erat, quō nō hāc opinio peruasisset, si
Germani cū Gallis cōiungi possent, actū
esse de Regio exercitu. & Aulicos suis aduer
sariis supplices futuros. Palā quoq; tū in ca
stris, tū in ciuita. qui se pacis atq; otij publici
cupidos ostēdebāt, perfidiarū auctores exe
crabātur: ac dicebāt nullis vnquā seculis
nō exitiales peritiorū exitus fuisse. Illud in
ter omnes cōstabat, si Amirallius cōiūctas il
las copias rectā in interiorē Galliā Lutetiā
versus deduxisset, quāplurimas ciuitates de
ditionē facturās fuisse, seseq; in Amiral. pote
statē pmissuras. Hāc opinio paucis illis dieb.
magnopere cōfirmata est, nam cū Hēricus
dux Andicus suas copias nō procul collocas
set, signaq; cōtulisset, facile depulsus, magno
peditū suorū numero amisso, captōq; qui il
lis praerat, Strossio, Reg. matris cōsobrino,

pacis cōditionem esse, nihil ab omnibus iis
qui secum in armis essent, aliud peti, quàm
religionis colendæ potestatē, toties illis &
publici Concilij auctoritate, & postea mul-
tis edictis Regiis permissam. Extremam hāc
Italorum & paucorum qui proximi Regis
erant, insaniam fuisse, qui bis centena ho-
minū Religiosorū millia tam paruo nego-
tio tolli ac deleri posse confirmassent. Cu-
ius rei superioris temporis euētus satis docu-
mento esse potuisset. Andicus ea quam di-
ximus accepta contumelia, de suorum sen-
tentia, magnam exercitus, ac præsertim e-
quitatus sui partē ad vnius aut alterius mē-
sis tempus dimisit: domūque corporum re-
ficiendorum causa reuerti iussit, ac tum in
V Volphgangi locum, V Volradus Mansfel-
denſis Comes, ipsius præfectus, summa om-
nium voluntate, suffectus est. His constitu-
tis rebus, Amirallius concilium aduocat.
placuit omnibus, quōniam ab Rupellæ
portu, totaque ora illa maritima ciuitates,
agrique omnes Religiosorum potesta-
te tenebantur, eos sineis muniri, Picta-
uiumque opidum tentari, vt eo propu-
gnaculo tota illa regio tecta, munitaque
esset. Huic consilio magnoperè suffra-

gari visa est Lusiniacæ arcis deditio, omnium quæ in Gallia sunt, longè munitissimæ: quæ cùm perpaucorum dierum opugnationem sustinuisset, deditionem fecerat. quod idem de opido Castellerotio, per idem ferè tempus nuntiatum est. Castris ad Pictauium positis, cœptaque opugnatione, Amirallius tot vigiliis & laboribus confectus, disenteria correptus est, qua dies triginta sic prostratus est, ut neque operibus superesse, neque consilium ad rem gerendam suppeditare posset. Itaque opidani & commeatu, & recentibus atque integris militibus, qui in dies summittebantur, crebrisque excursionibus recreati, litterisque Regiis ac pollicitationibus identidem confirmati, oppugnationem fortiter sustinebant. Constabat autem inter omnes, nisi Amirallij morbus rem conturbasset, Pictauium in eius potestatem venturum fuisse. Per id tempus, Dominicus Albio, vnus ex Amirallij famulatio, natione Vasco, qui à Regiis captus, in eorum potestate & castris menses aliquot fuerat, ad Herum reuersus, alacriterque in ipsius domum regressus, propter orationis vanitatem, & sermonū quorundam

rumidam inconstantiam, cū sibi plerumque non constaret, nonnullis in suspicionem venit. Qua de causſa comprehensus & excussus, veneni pixidem exhibuit, quam sibi à Riuerio, Hērici satellitum præfecto, & altero quodam eiusdem Principis secretario traditam, confessus est: promissaque sibi aureorum duo millia, si Herum suum Amirallium eo veneno interficeret. Quare cōperta, dānatus, & deprecāte domino, cū pleriq; grauiore illū supplicio afficiendū censerēt, gula fracta, recte suspensus est. Nōdū liberatus morbo Amirallius, cū ei nūtiatū esset, opidū Castellerotiū, quod à castris circiter septē milliarib. aberat, ab aduersariis obsideri, copias suas eò deduxit, seseq; lectica deportandū curauit: neq; magno negotio intromissis in opidū militibus, aduersarios fugauit, cæso eorū, ac præsertim Itolorū, magno numero: neq; prius fugientes hostes persequi destitit, quàm illi flumen trāssissent, quod propter altitudinē, populari lingua, Creusa nūcupatur. Interea Guisus adolescēs, qui Pistauio præfuerat, noctu ex vrbe magno comitatu egressus, recētes alios atq; integros intromisit. Neq; ita multo pōst Hēricus magni nō modò Gallorū, verū etiā

Germanorum, Heluetiorum reparatis copiis, ad Chinonium accedit. Erāt Religiosorum copiae longinqua Pictauij obsidione, commeatus & vini inopia, tempestate denique atque imbribus fatigata. accesserat eodem valetudo, quæ peditatum, ac præsertim Germanicum, haud mediocriter tentarat. Plerique autem Sautones domum se ad corpora reficienda receperant. multi etiam in Galliam interiorem ad Charitium & Sancerram, quæ Religiosorum potestate tenebantur, sese contulerant. Quibus cognitis rebus, Amirallius cunctandū ratus, ardētes ad dimicandum animos reprimebat. Crebræ tamē & militū & cēturionū voces audiebantur, minitantiū sese domū reuersuros, sibi que consilium capturos. multo quemque commodius in patriæ suæ, quam in alienis finibus, bellum gesturos, domesticisque rerum omnium copiis vsuros. præsertim cū in Aquitania, Delphinatu, & ad Ligerim, opida quadam ipsorum potestate tenerentur, quò se recipere, & vnde excursions facere, atque hostium agros facile populari possent. Non absimiles audiebantur Germanorum militum sermones: qui cū menses iam

complures stipendio caruissent, rem præ-
lio committendam potius, quàm tandiu
procul à patria, suisque sedibus consisten-
dum clamitabant. Neque propius quid-
quam fuit, quàm ut nobiles aliquot ma-
gnæ in primis auctoritatis, relictis castris,
magnam secum copiarum partem abdu-
cerent. Consilio prælij committendi ca-
pto, cum ad Monconturium vterque exer-
citus castrametendi causa propinquasset,
qui primæ aduersariorum aciei præerant
in velites nostros antecursores & cohortes
aliquot primi agminis, vbi Amirallius cu-
rabat, ex improuiso impetum faciunt. A-
mirallius cum armigerum suum aliquam-
diu quæsitum non inueniret, nihilominus
in confertos hostes perrumpit. Hunc Vol-
radus Mansfeldensis, de quo supra demon-
stratum est, subsequitur: exercitumque
hostium loco cedere compellit. Hac
interfluebat riuus, quem aduersarii ma-
gnâ contentione transire conabantur. A-
mirallius arcibusariis aliquot stipatus, pri-
mum agmen aliquanto spacio antecedit,
atque in eius riuus ripa consistit: hostes-
que transire conantes prohibet: ubique
ad primam vesperam quæ opus videban-
F.iiij.

tur curat: cùm interim hostes neque minoribus neque maioribus tormentis eum locum petere desisterent: qui, si eo tempore riuum transire, & in aciem nostram per-rumpere potuissent, immane, quantam breui tempore cladem intulissent! nam hostes facilè nostrorũ numerũ tertia exercitus parte superabant. præterea recentes atque integri cum fessis & defatigatis committebantur. itaque bidui tantum ea mora fuit. nam tertio post die commisso prælio multò maxima peditatus pars concisa: equites fusi ac fugati: Amirallius ducẽs Gallis equitibus sexcẽtos Germanos adortus, crebris pistularum ictibus appetitus, atque ad dexteram partem vulneratus est. Cùm depressum oris tegmentum haberet, neque fluentem ex vulnere sanguinẽ exspuere posset, balteus autem & gladius crebris pistularum ictibus excidissent, neque thorax, nisi superioribus loris sustineretur, ceteris glandium feruore vstulatis, tandem Florinerij adolescentis Normanni, quem domi puerum educarat, auxilio, fidelique opera, è turba remotus est: disiectisq; copiis ad opidum Parthenæum ab amicis abductus est. Hic constantiam ipsius animique magni-

magnitudinem admirari licuit. nam cum tanta clade accepta plerique & animum & spem abiecissent, consolari confirmareque singulos instituit: confestimque scribis suis omnibus aduocatis, litteras in omnes Galliae partes circummisit, ne Religiosi, qui alibi in armis erant, animo deficerent, neve tantum vulnus acceptum existimarent, ut non ei paucorum dierum spacio mederi posset. Nocte intermissa, Niortum profectus est: vnde constitutis rebus Santones adiit, ibique dies septem curando vulneri commoratus est, quod per sanari minus quinque & viginti diebus non potuit. Tantis superiorum laborum oneribus, tantaque solitudine ac difficultate affecto Amirallio, nuntiatum est, S. C. à Parlamento Parisiensi factum XII. Septembris, M. D. L. X. IX: quo laesae maiestatis damnatus fuerat, praeiumque aureorum quinquaginta millium ei propositum, qui illum viuū ad Regem adduceret. Eodē ferē tēpore eidem nunciatū est Martinengū quendam Itahū, proditiōis in patria dānatū, Castellionē à Rege cū aliquot cohortibus missū fuisse, ipsiusq; aduētū, nō modò arcē direptā, vasāque preciosa multas per arates relictā, quae

illi domui ornamento esse solebant, rapta, & dissipata, quorum precium non minus centum aureorum millium esse constabat: verum etiam opidum sub arcem positum, ita incensum conflagrasse, ut vix ullum opidi vestigium superesset. Quo nuncio accepto, tantum abfuit, ut grauiorem animo dolorem Amirallius conciperet, qui cum à rebus gerendis debilitaret, ut ne in ipsius quidē vultu vel minima perturbatio appareret. quin etiā cum amici propinūque consolādi causa cōcurrerent, constanter iis dicere solebat, sibi hunc animum singulari Dei beneficio tributum esse, ut ea quæ appellantur bona, ipse haberet, non ab ipsis haberetur: suas sibi fortunas semper subiectas, non se vñquam illis subiectum fuisse. Itaque bellis omnibus ciuilibus cum plerique omnes Principes, proceres, nobiles, equites, peditesque ipso se bello sustentarent, & possessionibus suis ab Rege occupatis, in diem & ex die viuerent: tamen Amirallius cum opidò paucis inuentus est, qui suo familiæque suæ nomine, pecuniam cauponibus, hospitibusque perpetuò solueret. quæ de causa, non modò magnum æs alienum

grandi scœnore contraxerat: verum etiã magnam partem mundi vxorij & moniliũ atque ornamentorum oppignerarat: atque in eo tandiu perseuerauit, dum omnibus rei familiaris præsidiis nudatus (quod ferè sub finem tertij belli ciuilis accidit) in Principum concilio postulauit, vt sibi quoque aliquid subsidij ad onera familiæ sustentanda concederetur. Per id tempus Amirallius suis & fratris Andelotti filiis, qui Rupellæ (vt superius demonstratũ est) eodẽ utebantur præceptore, epistolam sua manu scriptam misit: quam manum ac chirographum nactus, dignum existimaui, quod hunc in locum totidem propè verbis cõuersum referretur. S. Gratissimum mihi fuisset, coràm hæc vobiscũ agere: vòsq; vnà videre, atque alloqui. Sed quoniã eius rei facultas mihi iã adẽpta est, visum est, vos admonere, vt pietatem ac timorẽ Dei semper ante oculos habeatis. præsertim cùm vsus iã & experientia docere vos potuerit, non magnopere iis quæ bona nominantur, confidendum esse. Alio loco, quàm in his terris, spes nostra nobis locanda est; aliæque parādæ artes, quàm eæ quæ oculis cernuntur, & manibus contrectantur. Sed quoniam id in nostra potestate positum nõ

est, præsidium à Deo suppliciter petendum est, qui nos in certissimam ac tutissimā viā perducatur. neque verò sperandum vobis est, viam illam amœnam ac delicatam fore, & prosperis rebus omnibus circumfluentem. Iesus Christus, qui nobis præiuit, qui Dux ac signifer noster fuit, nobis sequendus est. Homines quidē ea nobis eripuerūt, quæ poterant eripere. Si eadem hæc Dei voluntas perpetuò manserit, beati erimus: ac præclarè nobiscum agetur. nam vobis quidem hoc detrimentum illi, non ob vllam acceptam à vobis iniuriam, intulerunt: sed odio mei vnius: cuius odij nullam esse aliam causam constat, nisi quoniam Deus labore atque opera mea vti in Ecclesia sua subleuanda dignatur. Itaque, si propter hanc causam damno atque incommodo afficimur, beati sumus: & præmium habebimus eiusmodi, in quod nulla hominibus potestas erit. Habeo alia complura; de quibus ad vos, si otium esset, scriberem. Mihi in præsentia satis erit, si vos moneam, ac per Deum obtester, vt fortiter in virtutis studio pergatis: atque vt tum in factis, tum in sermonibus vestris, totaque vita demonstretis, quanto pe-

rè ab omnibus vitiorum generibus abhorreatis. Præceptori vestro, & aliis qui vobis præpositi sunt, obtemperate: ut si minus frequenter præsentia & conspectu vestro frui possim, at certè sæpenumero intelligam, vos bonis atque honestis moribus ornatos esse. Extremum hoc erit, si Dei voluntas ferat, ut aliquid propter ipsius religionem, vel in capite, vel in fortunis nostris incommodi patiamur, beatos tamen nos ac felices numeremus. Equidem ab eo peto quæsoque, ut vobis præsidio & adiumento esse velit: vestramque adolescentiam tueatur. Valete. Ex opido Santonum. XVI. Octobris, M. D. L X V I I I. C A S T E L L O N I V S. In eodem Santonum opido, cùm de summa rei crebrò concilium aduocaretur, tandem de procerum omniũ sententia, placuit, confirmatis opidis, & cohortibus aliquot præsidio dispositis, in Tholosatiũ fines cū expeditis equitibus proficisci: vbi Montalbanũ opidũ natura & manu munitũ à Religiosis tenebatur: qui nõ exiguã pecuniæ summã ad stipendiũ Germanis persoluendũ coegerãt. simul spes erat, transmissis duobus fluminibus, Garũna & Lotto, eas sibi copias adiungendi, quibus

Mongomerius, magnæ propter virtutem militarem bellique administrandi sciētiam auctoritatis, præerat: quarumque opera Bearniam Navarrorum Principis ditionem pacauerat. In eo itinere, quod propter viarum asperitatem laboriosissimum fuit, cum ciuitates omnes præidiis munitæ essent, potesque intercidissent, & pontones à riuis auertissent: neque quisquā eo animo fuit, ut defatigatos viarum asperitate milites, ac plerosque inertes, lacefferet: neque quominus nauibus ratibusque iunctis flumina transirent, quidquam moræ fuit. Itaque magno confecto itinere Montalbanum peruenerunt: quò ex opido Amirallius ad Regem & Reginam matrem, legatos cum his mandatis misit, ut suppliciter eorum omnium, qui secum in armis erant, nomine deprecarentur, ne tam multos fortes viros, qui in utroque exercitu parati ad depugnandum erant, mutuis vulneribus concidi paterentur; sed pro sua clemētia finem istis malis atque incommodis imponerent. Episcoporum quorundam & Cardinaliū istud esse consilium, quī nunquam in aciem prodibant: præterea quorundam Itatorum, qui Gallorum miseriis non commouebantur. Extremæ fuisse demen-

dementiæ, confirmare, ducenta Religioſorum millia, præſertim tanta nobilitate intermixta, ſine vlllo negotio circumueniri ac deleri poſſe. Præterea multos deinceps in Catholicorum numero fore, qui communium malorum expertes futuri non eſſent. alios commiſſis pugnis, alios laborum magnitudine ac defatigatione interituros, pleroſque certè magna rei familiaris detrimenta, magnasque iacturas facturos. nō ſatis Regiæ Maieſtati conuenire, quod Aulici vulgò de ipſo diſtitabant: Regem ſuorum ſaluti non parcere, dum modò aduerſarios opprimeret. Tyrannicam illam eſſe vocē, non Regiam: Pereāt amici, dum vnà inimici intercidant. Pacis autem perfacilem eſſe conditionem, vt publici Cōcilij, quod Aureliæ habitum fuerat, ediſti que Pariſienſis auctoritas valeret: religionis que purioris libertas certis locis permitteretur. Ea legatione miſſa, conſilium ibidem captum eſt de tranſitu Garumnæ fluminis: quod inter noſtras & Mongomerij copias interieſtum, propter altitudinem, latitudinē, rapiditatēque fluminis difficillimum tranſitu videbatur. Itaque Amirallius conſilium capit, opidum Marianum, quod in eius fluminis ripa poſi-

tum est, occupare. quo facto, cū Mōgome-
rius alteram ripā obtineret, Amirallius pon-
tis hanc rationem instituit. Tigna primū
quatuordecim, longitudine pedum qua-
tuor & viginti, ab imo præacuta, ferroque
munita, fistucis in fluminis alueum adigit:
totidēque in superiore parte fluminis, ad-
uersa his & contraria defixit. tum binis ē
regione positis, trabem commissuris aptam,
fibulisque firmatā imposuit. Post, trabes di-
rectas binis quibusque iugis iniecit, quas ta-
bulis ad viam muniendam contexit. ab v-
traque ripa ponticulus rotis duabus sustine-
batur: quo facilius equi vel in pontem ad-
duci, vel ē ponte in ripam perducī possent.
simul operis firmādi causa funibus & cate-
nis vtraque in fluminis parte ad palos alli-
gatis, vtramque tignorum seriem reuinxit.
Opere effecto, biduōque in traducēdis Ger-
manis equitibus cōsumpto, nocte intēpesta
navis pistrinaria secūdo flumine magno im-
petu, in pontē illata est: cuius impulsu, toto
opere labefacto, pons interruptus concidit.
Hanc nostri totāmq; illam ripam tenebant:
sed cū indiligētiūs seruarēt, neq; satis mul-
tis funibus reuincta esset, vi & rapiditate flu-
minis abrepta est. Hac de causa cōmodius
visum

visum est pōtionibus nauigijsque aliquot cō
iūctis transitū Mongomerio munire: quem
equites Germani, qui agmen illius claude-
bant, cōtinentēter subsequuti sunt: paucis die
bus ad reficienda corpora militibus conces-
sis, Amirallius suas copias ad urbem Tholo-
sam adduxit: finitimāq; opidula non pauca,
partim deditione in fidem atque amicitiam
recepit, partim etiam expugnauit: cū duo
tantū tormenta in exercitu haberet, quæ
Montalbano secum aduexerat. his opidis cō-
firmatis, ad Viualetium, atque ad ripā Rho-
dani facere iter instituit: & quod in Delphi-
nato nonnulli in armis erant, qui eius parti-
bus studebāt, opidāque aliquot obtinebāt,
suarum copiarū partem ad eos transmisit, si
quas præterea vrbes tentare posset. Cuius
rei administratio Ludouico Nassouio, de
quo suprā mentionem fecimus: detulit: qui
nauibus, ratibúsque iunctis, tantum reliquis
Delphinatibus terrorem iniecit, vt omnes
se fuga in opida reciperent. Sed cū neque
muralibus tormētis instructus esset, neq; diu-
tius ibi cōmorādū putaret, satis & ad laudē
& ad virtutē factū arbitratus, populatis illo-
rū agris, incolumes copias paucis diebus ad
Amirallium reduxit: quod cū ipsius ani-

mi magnitudinem, tum in rebus gerendis
industriam, magnopere tum apud Gallos,
tum apud Germanos commendauit. Proxi-
mis diebus, Amirallius laborum magnitu-
dine, cura, vigiliisque cōfectus, in morbum
incidit: quo etsi grauitè afflītabatur, tamē
cū optimum esse iudicaret, quā matur-
rimè ad flumen Ligerim accedere, nullo lo-
co diutius commorari statuit, seseque lecti-
ca cum exercitu deportari iussit. Nam circa
Charitium & Sācerram circiter duo arma-
torum millia conuenerant, quos sibi adiun-
gi magni interesse iudicabat: eò magis, quia
Coffeus Regni Mareschallus, post Santoni-
cam victoriam, in Henrici Principis locum
à Rege suffectus, in eas oras aduentare Re-
giis omnibus copiis dicebatur, & ad Ami-
ralliū accedere: cui Amirallius per præconē,
qui captiuorum causā, in ipsius castra vene-
rat, suis verbis nunciari iussit, nihil opus es-
se, vt tantum laboris caperet: se quamprimū
ad ipsum venturum, eūque tāti molestia
itineris leuaturum. Cū ad Forestam exer-
citus peruēnisset, ecce rursus à Rege legati
de compositione & pace concilianda. Nam
cū Aulici tantas copias renouatas, repa-
ratūque ab Amiralliō, (qui paulò antè
perditus

perditus ac desperatus videbatur) exercitiū
audissent, magno terrore afficiebantur, ne
Amirallius cum illis Charitianis copiis cō-
iunctus, restā Lutetiam progrediretur, &
senatorum Parisiensem, Aulicorumque
villas, & amœna prædia suburbana incen-
deret: quo incōmodo, senatores primarios-
que Tholosanæ ciuitatis affectos cognoue-
rant. Parte itineris lætica (vt diximus) con-
fecta, ingrauescere Amirallij morbus cœpit:
neque abfuit Medicorum opinio, quin eius
vim sustinere diutius, tantis præsertim cu-
ris confectus, non posset. qua de caussa Le-
gatorum colloquia dirempta sunt, intermis-
sæque de pace tractatio. quam intermissio-
nem nobiles aliquot magnæ inter Religio-
sos auctoritatis, cum propter belli longin-
quitatem iniquius ferrent, atque apud Le-
gatos quererentur, nō æquum esse propter
vnius Amirallij morbum, colloquium de
pace abrumpi: siquid ei humanitus accide-
ret, satis multos tamen super futuros alios,
cum quibus agi de compositione posset: re-
sponsum ab illis Legatis acceperunt, permi-
sum sibi videri, quod quāti sui Amirallij au-
ctoritas esset, non viderent: qui si hodie (in-
quibāt) è vita excederet, cras vobis ne aquæ

quidem poculum offerremus. quasi verò
nesciatis vnicū Amirallij nomen plus a-
pud vos, quàm alterum tantum exerci-
tū, pollere? Proximis diebus recreato iam,
confirmatōque Amirallio, cū de com-
positione iterum in Concilio actum esset,
delecti sunt, qui vnā cum Regiis Lega-
tis proficiscerentur, mandatāque hac de-
ferrent. Religiosis nihil esse pace optabi-
lius: nihil bello acerbius. Sed neminem
esse, qui non acerbiores multo labores, at-
que adeò mortem ipsam præoptandam pu-
tet, quàm agnitam veri Dei Religionem
abiurare. si Rex purioris Religionis liber-
tatem (sicuti superioribus annis fecerat)
eis permitteret, & opidis aliquot caue-
ret nullum fore, quin cupidissimè ac lubē-
rissimè arma in perpetuum abiceret. His
datis mandatis, Amirallius castra mouit:
neque ita multo pōst, opidum Renedu-
cium ex itinere cepit, quò iam aliquot
ex Cossianis antecursoribus peruenerant.
neque ex illo tempore vllus ferè dies in-
termisus est, quin leuibus præliis contē-
deretur. ac parū m. admodum absuit, quin
quodam die incensis ad dimicandum mi-
litum

litum omnium animis, iusto prælio decerneretur: cum inter utrasque acies, riuo tantum interiecto, Mongomerius primam aduersariorum aciem perumpens, cui Vallettus, Vasco, magnæ inter suos auctoritatis præerat, eos in fugam coniecit. Proximis diebus, Legati rursus à Rege in castra missi sunt, qui tantisper inducias postularent, dum quæ de compositione agi cœperant, transigerentur. Nam Senatores Parisienses (quorum magna in primis apud Regem erat auctoritas) vehementer, ut diximus, vastitatum & incendiorum minis perterrebantur: neque ullum tota Gallia genus hominum est, qui aut acrius ad bellum excitet, modò procul à suis finibus generatur: aut ignauius, cum ad ipsos accessit, quasuis pacis conditiones subeundas putet. Legatis ultro citroque aliquoties missis, tandem Edictum Regis allatum est, quo exercendæ, colendæque Religionis potestatem certis locis permittebat: simulque de ipsius firmitate, opidis quatuor cauebat: Rupella, Montalbano, Cognaco, & Charitio. Ea pace, quæ tertia numeratur, facta, Edictoque Regio cuncta Gallia promulgata, Amirallius, reductis in Germaniæ finibus

equitibus Germanis, Principes adolescentes
Rupellam ad Nauarrorum Reginam redu-
xit: ibique rātiſper commorari ſtatuit, dum
conſtabilitam vbique pacem, cognoſce-
ret. paucisque poſt menſibus, conſiſus Re-
gis pollicitationibus, ſimulque ipſius, &
fratrum, & Parlamentorum omnium, iu-
reiurando fretus, cū tot laboribus ex-
antlatis, aliquid ſe quietis nactum exiſti-
ſtimaret, rogatus ab amicis, animum ad
nouas nuptias adiecit: inuitatus præſertim
à propinquis Iacobæ Monbellæ Baronis
Antonij viduæ, Comitſ Intermontani fi-
liæ: cuius de modèſtia, & pietate, ſanctiſ-
ſimiſque moribus multa iam pridem audie-
rat. Itaque honorificè ad ſe Rupellam vſ-
que perductam, vxorem ſibi adiunxit: ne-
que ita multo poſt filiam ſuam nomine Lu-
donicam, Thelinio, præcipuæ nobilitatis
atque eximiæ virtutiſ adolescenti, in matri-
monio collocauit. Hoc Thelinio, propter
indolem eximiam, nemo ex omni nobili-
tate Gallica, Regi carior ac iucundior vi-
debatur. Itaque conſtat inter omneſ, huius
viriſ oratione inductum Amirallium, ſum-
mam de Regiſ erga ſe fide ac beneuolentia
opinionem cōcepiffe. Aliquanto poſt, anno

salutis Christianæ M.D.LXXI. Amirallius blandissimis & honorificentissimis Regis literis Blesas ad Aulam inuitatus est: rogatusque, vt matrimonij inter Margaretam Regis sororem, & Henricum Nauarrorum Principem conciliator esse vellet: cum indentidem hoc Rex per suos legatos annuncios demonstraret, nullum firmitus pacis, concordiaque publicæ coagmentandæ vinculum excogitari, aut certiorum reconciliandorum ordinum rationem iniri posse. Paucis post Amirallij discessum diebus, Guisus adolescens, Cardinalis patrui cõsiliis, matrisque suasæ impulsus, veterem de necesse patris querelam reuocare instituit. Qua de causâ Rex suam auctoritatem interposuit, formulamque compositionis iis præscripsit: quam ab vtrisque iurari, & amborum signis confirmari, omnemque illius dissensionis memoriam funditus deleri statuit. Verumtamen, cum proximis diebus Guisus magno armorum comitatu Lutetiam venisset, atque Amirallius, qui tum se Castellionem receperat, eadem causâ per Thelinium generum à Rege petisset, vt sibi aliquantum præsidij domi habere liceret: Rex ei manu sua scripsit,

litterisque Bricmaldo, summæ virtutis atque existimationis viro, perferendas dedit: Gratissimum sibi fore, si quam diligentissimè sibi Amirallus caueret: eique potestatem fecit, quantumvis magno præsidio, & se & suam arcem muniendi: petere, ut suæ erga ipsum beneuolentiæ consideret: neque dubitaret, quin quantum præsidij ac tutelæ bono clienti à bono patrono deberetur, tantum sibi ab ipso sperandum & expectandum esset. Has litteras pluribus verbis in illam sententiam compositas, cum Regis manu scriptæ essent, quamplurimi magna cum voluptate legerunt: neque de certissima Regis aduersus Amirallum beneuolentia dubitandum, amplius iudicarunt. Itaque hanc rei gerendæ occasionem Ludouicus Nassouius, de quo supra mentionem fecimus, sibi non prætermittendam arbitratus, Aransij fratris sui nomine cum Rege (à quo secretò ad Aulam inuitatus fuerat) agere instituit, ac demonstrare, complures esse in inferiore Germania ciuitates, Hispanorum insaniæ, libidinis, auaritiæ & crudelitatis pertasas; quæ, si dexteram illis Rex porrigere-

ret, libentissimis animis se in ipsius fidem ac
 ditionem commendarent. Diebus aliquot
 in hac actione consumptis, tandem Rex
 Nassouio fidem dedit, se primo quoque tem
 pore Amiralium magnis copiis eò missu
 rum: pactaque inter eos hæc conditio est, ut
 si bellum illud secundos exitus haberet,
 tum omnis regio ab Antuerpia in Picar
 diam usque, Regi cederet: Hollandia ve
 rò, & Zelandia, & Frisia Principi A
 ranio relinqueretur. Per id tempus in
 terceptæ sunt Cardinalis Peluei litteræ,
 ad Cardinalem Lotharingum in hanc sen
 tentiam scriptæ: Regem nunquam melius
 animatum fuisse. Itaque propter singula
 re ipsius & Reginae matris, & Henrici Ane
 dium Ducis studium, sese in summam spem
 de prospero communium consiliorum re
 uentu venisse. Regem, Amiralij ad An
 lam aduentu, multo se prudentius gessisse,
 longèque commodius personam suam su
 stinuisse, quam quicquam ipsorum spera
 set. quò factò, Regi persuasum esse, Ami
 rallio, nullam suspicari, aut secus de sua er
 ga se beneuolentia existimandi occasione reli
 ctam esse, quod totius consilij inter ipsos mi
 ni

firmamentū esse, Lotharingus nō ignosceret. Sermonem iniectum de bello Hispanorum Regi inforendo, quem sermonem ita liberaliter Rex exceperat, ut Amirallicus optimam de Regis erga se beneuolentia opinionem concepisset. Utendum his artibus fuisse, dum euentus occulti consilij expectaretur. Regem Hispaniæ diligenter de rebus omnibus certiorem esse factum, datamque operam, ne illo apparatu bellico, qui ad speciem factus erat, commoueretur. nam hæc omnia ad optimi consilij exitum accommodata fuisse. Itaque quidquid vel antea Cardinalis geri audisset, vel deinceps auditurus esset, confideret, Regem ab eo, quod semel susceperat, non discessurum. Quidquid fieret, quidquid gereretur, ad propositum consilij finem dirigiatque accommodari. Nihil vel Regi, vel ipsius matri & fratri tantæ esse cura. Simulatque confectum negotium foret, sese quam celerim ad Lotharingum scripturum, & cerum fidelēque nundium data opera missurum. Quantum ad Nauarri Regis nuptias attinebat, sperare se prope diem illas confectum iri. Hoc enim re-

rum gerendarum exordium esse oportere. Interea tempus, quod quatuor opidorum oppignerationi præstitutum fuerat, effluere. Earum litterarum exemplū qui Amirallio mittebat, sperabat fore, ut is lectione illarū admonitus, sibi præcaueret, maturēque rebus suis prospiceret. sed tanta fuit ipsius, de Regis fide & summo erga se studio, fiducia: Thelinij præfetti generi suasionibus assiduis confirmata: ut qui ceteris in rebus omnium acutissimus, maximēque perspicax videbatur, hac vna in re, fato quodam suo, caligaret. Verū eius totius rei narrationem, & tragicos euentus, simulque Nauarricarum nuptiarum celebrationem, pompas, & ludorum magnificētiā, Furialis Carnificinæ narratio summatim complexa est. Itaque quæ ad extremū vitæ Amirallij tempus pertinent, quorum certissima testimonia nacti sumus, deinceps exponemus: si prius exemplum litterarum ediderimus, quas ipse manu sua, illo ipso nuptiarum die, Lutetia vxori prægnanti scripsit. Nam cū chirographum ipsum haberemus, quod ad veritatem historię, magnum habiturum pondus videbatur non prætermittēdum hoc loco putauimus. Lit-

teras autem propè ad verbum cōuersas ex-
scripsimus. S. Hodierno die (charissima at-
que optatissima coniux) nuptiæ sororis Re-
gis, & Nauarri Regis celebratæ sunt. Dein-
ceps triduum, aut quatrimum in ludis, cō-
uiujs, laruatis choreis, & certaminibus lu-
dicris consumetur. Rex mihi confirmauit,
se postea dies aliquot tributurum audien-
dis querimonijs, quæ ex varijs sui Regni
partibus allatæ sunt de pacificatorio ipsius
Edicto violato. Cui rei æquissimum est, me
operâ dare, quantum eniti atque efficere
potero. Et si enim summa tui videndi cupi-
ditate afficior, tamen & mihi, & tibi (vt o-
pinor) ægre esset, si meum in eo negotio cu-
rando studiū atque officium defuisset. Ne-
que tamen hæc mora tantoperè discessum
ex hac vrbē retardabit, quin proxima septi-
mana mihi decedere liceat. Si solius mei cō-
modi rationem haberem, iucundius mihi
foret, tecum esse, quàm diutius in hac Au-
la commorari, ob eas causas, quas coram
ex me cognosces: sed maior Reipub. quàm
aut studiij, aut emolumenti priuati ratio ha-
benda est. Habeo alia nonnulla, quæ tecum
communicem, vt primū tui conuenien-
di facultas dabitur: quo desiderio sanè &

dies & noctes afficior. Ceterum, quod tibi in præsentia nuntiare possum, est huiusmodi. Hodie quarta iam hora post meridiem abierat, cum missificatio nuptialis celebrata est. Dum illi opera dabatur, Rex Navarrus in area quadam extra fanum, una cum aliquot Religionis nostræ nobilibus, qui cum affectati fuerant, inambulabat. Alia sunt complura minutiora, quæ tantisper differam, dum nobis colloquendi facultas dabitur. Interea Deum oro, charissima atque amantissima coniux, ut tibi præsidio esse velit. Lutetiæ Parisiorum, X VIII Augusti, M D L X X I I. Tribus abhinc diebus cholicis doloribus partim ventosis, partim calculariis sum vexatus. Verum illi, beneficio Dei, non amplius octo vel decem horas durabant. ac iam (quæ Dei benignitas est) illis doloribus sum liberatus. Confirmo tibi, me in istorum conuiuiorum & ludorum turba, nemini molestum futurum. Iterum vale. In imo litterarum, subscriptum erat: Amantissimus tuus coniunx, C A I S T E L L O N I V S.

Quinto, post illas datas, die, qui fuit dies Augusti X X I I: cum Amirallius domum ex Regio consilio sub prandij tem-

pus rediret, ac præter ædes Villemuri Canonici, & Guisij adolescentis præceptoris, iter faceret, per clatrata fenestram ab arcibusario ictus, tribusque locis vulneratus est. nam & dextræ index attritus, & læuū brachium glandibus æreis transfixum est. quam rem eadem, quam superius commemorauimus, Furialis Carnificinæ historia strictim complexa est. Itaque continuò Medici, Chirurgique aduocantur. In his Ambrosius Pareus, chirurgus Regius, qui magnam medicæ artis scientiam habere existimatur. Quî hârum deinceps rerum testis ac spectator fuit, brachium Amirallio, in lectulo decumbenti, sustinebat. Ambrosius à digito contrito medēdi initium facit: eumque non sine graui dolore abscindit. nam cum forcipibus nō satis acutis vteretur, ter illas aperire, ac ter premere coactus est. Post in læuō brachio, vtrinque partem illam incidit, quam glans ærea perfoderat. quem dolorem Amirallius non modò forti animo, sed etiam constanti vultu sustinuit. quî etiam, cum illi quî & lacertos sustinebant, & illas incisiones spectabant, tēperare sibi à lachrymis nō possent, Amirallius eos per cullos conspicatus. Amici, in-

quit, quid fletis? Beatum verò me iudicò,
 qui pro Dei nomine, plagas istas accepe-
 rim. Simulque Merlinum verbi Dei mini-
 strum conspicatus: Hæc, amici (inquit)
 Dei beneficia sunt, ego doloribus quidem
 afficior: sed hanc Domini ac Dei nostri
 voluntatem esse agnosco: eiúsque Maiesta-
 ti gratiam habeo, quòd me tanto honore sit
 dignatus: cui propter sanctissimum suum
 nomen, doloris aliquid imponeret. Ore-
 mus eum, vt mihi perseuerantiæ donum
 impertiat. Tum Merlinum mœrentem ac
 lamentantem intuitus: Mi Merline, inquit,
 quin tu me potius consolaris? Verò, respon-
 dit Merlinus: neque maior consolatio vlla
 est, neque certior, quàm si istud ipsum idē-
 tidem cogites, magno te honore à Deo af-
 fectum esse: quòd te dignum statuerit, qui
 pro ipsius nomine & Religione, dolores i-
 stos sustineas. Mi Merline, respondit Ami-
 rallius: si me Deus pro meis meritis, ac pro
 dignitate mea tractaret, ac suo iure mecum
 ageret, longè alij mihi perferendi crucia-
 tus essent. Sed benedictum sit nomen ipsius,
 qui sua mansuetudine & clementia erga
 me indignissimum ipsius seruum vtitur. Eia,
 subiecit alter: Mañte ista pietate. nam cùm

Deus multo maximam tibi corporis partē incolumē reliquerit, est quod ipsius mansuetudini gratiæ agantur. Itaque maius in istis vulneribus misericordiæ, quàm iræ diuinæ argumentum habes: præsertim cū caput, atque animum inuulneratum reliquerit. Tum Merlinus, Optimè agis, inquit, qui mentem, & cogitationem à percussoribus, & iis qui vulnera ista imposuerunt, ad Deum solum auertas. nam eius certè manus fuit, quæ tibi plagas istas imposuit: neque de sicariis & latronibus quidquam hoc tempore cogitandum est. Cui Amirallius, Ego sanè & percussori, inquit, & iis qui percussorem apposuerunt, sincere atque ex animo ignosco. Certum enim habeo, non esse in eorum potestate vllō me incommodō afficere, ne si necem quidem mihi afferrent. mors mihi certissimus est ad vitam transitus. quod idem verbum aliquantō pōst, apud Mareschallum Dāuillium, qui eum inuisit, audiente Merlino (qui è Carnificina superstes est) iterauit. cumque idem Merlinus demonstraret, calamitates & ærumnas, quæ piis hominibus in hac vita accidunt, plerumque atdentiū illos ad Deum inuocandum excita-

re, & ad venerandam Dei potentiam ac-
 cuere, continuò Amirallius magna voce
 ac vehementi studio in hæc prorupit ver-
 ba: Domine Deus, Pater cælestis, misere-
 re mei, pro tua lenitate & clementia. ne
 memineris antea actæ vitæ meæ, & scelerum
 meorum. Si nostra scelera, si nostram in-
 tuis legibus violandis, leuitatem ac perfu-
 diam spectare velis, quis consistet Domi-
 ne? quis vim iræ tuæ sustinebit? Ego te,
 remotis fabulosis diis omnib. vnum inuo-
 co, & Patrē æternū æterni Dei Iesu Christi,
 agnosco ac veneror. Per eum te obtestor,
 vt Spiritum sanctum tuum, & donum pa-
 tientia mihi impertias. Sola tua misericor-
 dia confido. in ea sola mea spes omnis po-
 sita est, siue præsentem mihi mortem affer-
 re, siue diutius vitam propagare voles. ec-
 ce ad vtrumque paratum me profiteor: ni-
 hil dubitans, quin si mihi mors obeunda
 sit, continuò me in beatam ac cælestem pa-
 cem sis admissurus. quòd si me diutius in
 vita manere patiaris, da mihi, Pater cæle-
 stis, vt quod reliquum vitæ tempus restat,
 id omne in propaganda tui nominis glo-
 ria, in sanctissima tua Religione colen-
 da & obseruanda consumam. Hac oratio-

ne absoluta, nihilominus ex eo Merlinus quæsiuit, placeretne, ut ipsi quoque Ministri suam cum illius oratione precationem adiungerent. Cui Amirallius: Peruëllem, inquit: actu Merline, huic cœtui nostro verbis præito. Dum orationem Merlinus ad præsentē casum accōmodatā pronūtiabat, Amirallius sublati in cœlum oculis, mirum in precando animi ardorem ostēdebat. Precatione absoluta, cū Merlinus, veterū exempla Martyrū proferret, atque vique ab Adamo & Abrahamo commemoraret, neminem vnquam egregiē suam operam Deo & ipsius Ecclesiæ nauasse, quin multis incommodis affligeretur: orationē illius Amirallius interpellauit, dixitque sentire se vehementer illius sermone confirmari, magnumque ex illa Martyrium & piorum Patrum commemoratione solatium accipere, suosque dolores magnoperē sedari. Non multo post, Cossæus & Dāuillius, Regni Mareschalli, ad eum accedūt. Confitemant, casum illum sibi vehementer dolere, nihilque iam pridem grauius, acerbiusque tulisse. verumtamen æquum, & vītātæ ipsius fortitudini consentaneum esse, ut se colligeret, virumque præberet. multo

plus ei suam virtutem dedisse, quam casu illam abstulisse. Tum Amirallius ad Cosæum conuersus: Meministine, quod tibi nuper prædixi: tantumdem profectò te manet. At Danuillius, Mi Amiralli, inquit: ego te neque consolari, neque ad fortitudinem animi, & constantiam cohortari institui. tute ille es, à quo consolationes & eiusmodi præcepta fortitudinis accipiuntur. sed vide quæso, qua in re mea tibi opera vsui esse possit. Demiror vndenam hæc euenerint. Cui Amirallius: Alius mihi præter Guisium nemo suspectus est. affirmare tamen id pro certo non ausim. Verùm, Dei beneficio, iam pridem didici, neque meos inimicos, neque mortem metuere: quam certò scio mali nihil mihi afferre posse: sed potius beatam ac perpetuam quietem. Deum enī, in quo solo spes meas locaui, scio neque fallacem, neque mēdacem esse. quāquam in hoc meo casu nulla mihi res acerbior accidit, quàm quòd ereptam mihi video, facultatem declarandi Regi, quantum ipsius causa vellem (hoc autem propter Flandricum institutum dicebat). Vtinam mihi cum ipso paulisper colloqui liceret, nam habeo quædam quæ magno-

perè ipsius interest rescire, neque quēquā
esse arbitror qui illa ad eum deferre au-
deat. Nauarrus interea & Condæus a-
pud Regem de tanti facinoris atrocitate
queriebantur. His Rex ita respondit: Eni-
uerò, Deum contestans iuro, me faci-
nus istud ita seuerè vlturum, vt reliquis
in posterum exemplo esse possit. Mulier,
quæ in ædibus reperta est, vnâque pedif-
sequeus comprehensi, & in carceres coniec-
ti sunt. Hora post meridiem circiter secun-
da, Rex de Amirallij desiderio certior
factus, ad eum accessit. Ei se comites ad-
iunxerunt Regina mater, duo ipsius Re-
gis fratres, Dux Monpensierus, Cardina-
lis Borbonius, Mareschalli Danuillius, Ta-
uannius, Cossæus, Comes Rhetius, Tho-
ræus & Meruius Danuillij fratres; quos
Gonzaga Niuernensis subsecutus est. De
principio Rex omnes Amirallij domesti-
cos è cubiculo excludi iussit, præter The-
linium, ipsiusque coniugem, & eum qui è
Carnificina superstes, studiosè quæ tum a-
cta & dicta sunt, animaduertit. Vbi Rex
ad lectulum accessit; Gratiam verò tibi,
Here (inquit Amirallius) quàm demississi-
mè possum, habeo atque ago, quòd me tan-
ro ho-

to honore dignatus sis, tantumque laboris
mea causa susceperis. Cui Rex blandissimis
verbis de ista fortitudine animi gratulatus,
bene illum sperare, bonoque animo esse iu-
bet. Tum Amirallius: Here, tria sunt, de qui-
bus apud Maiestatem tuam agere cupiebā.
Primum est, de mea erga dignitatem tuam
fide atque obseruantia. Ita Deus mihi pla-
catus & propitius esse velit, ad cuius tribu-
nal me propediem fortassè hic casus sistet,
vt Maiestatis ac dignitatis tuæ semper fui
studiosissimus. Neque verò sum nescius,
quam sæpè maleuoli me apud Maiestatem
tuam calumniati sint, & tanquam Regni
perturbatorem criminati. Sed res ipsa, Dei
beneficio, satis vel me tacente, declarauit,
tantarum calumniarum causam vnā hanc
fuisse, quòd illorum audaciæ ac furori obsti-
terim: Edictorumque tuorum auctoritatem
aduersus turbulentos ac violentos illorum
conatus defenderim: neq; ferre potuerim,
vt fidem quam toties interposito iureiurā-
do tuis subiectis dederas, violarent. Huius
mei animi Deus optimus testis est: qui hanc
inter me & meos iniquos causā cognosceret,
ac pro sua iustitia disceptabit. Porro cū tā
multis in hoc Regno sumis honorib. atq; im-

peris à patre, atq; auo tuo sim affectus, tuâq;
liberalitate in iis cōfirmatus, facere promeo
erga te officio nō possū: quin abs te suppli-
ter petā, vt tot perturbatonibus, quæ tuum
regnum iampridem exercent, mederi ve-
lis. Venio nunc ad Flandricum institutum.
nullus vnquam è tuis maioribus, tam præ-
claram rei bene gerendæ facultatem ha-
buit. Multæ (vt scis) inferioris Germaniæ
ciuitates amicitiam tuam expetunt: sese-
que in tuam fidem commendare cupiunt.
Hanc occasionem, video in Regia tua, pa-
lām ac publicè ludibrio haberi, & pauco-
rum aliquot hominum culpa nobis eripi.
Nuper ex copiæ, quas Genlisius ducebat,
ab Albano per insidias circumuentæ; ma-
gnæque ex parte fusæ ac profligatæ sunt.
scis quantus Catholicorum numerus, in
iis copiis fuerit. cuiusmodi tandem eorum
religionem esse putas, aut quem in po-
pulares suos, eiusdem religionis cultores,
animum habere, qui tantam illorum cla-
dem derident? Vix ouum in tuo sanctiore
consilio conuerti potest, vix aliqua vox e-
mitti, quin illico ad Albanum perferatur.
Ecquid, quæso, sperare possumus, cū ii,
qui

qui in sanctiore illo consilio, tibi, aut fratribus tuis assident, occultissima quæque consilia peregrinis atque hostibus enuncient. hanc rem tantam, Here, tibi curæ esse, vehementer opto, atque ut deinceps sit, etiam peto. Postremum est, quod tibi non minori curæ esse cupio, Edicti tui pacificatorij obseruatio. scis te, iureiurando toties interposito, illud sanxisse: scis illius toties repetiti iurisiurandi, non modò nationes exteras, verum etiam Principes vicinos, atque amicos testes esse. Quàm indignum est, Here, iusiurandum istud tuum, propè iam pro ioco ac ludibrio haberi. Ecquid de te, & tua fide posthac exteri Principes, ac nationes existimabunt? superioribus diebus in Campania, non procul à Trevis, cum infantem è Baptismo, nutrix domum referret, atque ex concione, quæ in pago, abs te ad eam rem assignato, habita fuerat, reuerteretur: seditiosi quidam, qui in insidiis latebant, & nutricem, & infantem, & comites aliquot, ad Baptismum illud inuitatos, trucidarunt. considera, quæso, quanta sit latrocinij illius immanitas, & quàm honestum sit, aut tuo nomini gloriosum, tanta scelera, passim in regno tuo, inulta atque impunita

relinquere. Huic illius orationi, Rex ita respondit: nunquam se de ipsius fide in dubium venisse: habere se illum pro bono ciue, ac viro forti, Ducéque præstanti: cuique neminem in suo Regno anteponeret. Quod si aliam, inquit, de te opinionem habuissem, nequaquam, id quod antea feci, facturus fuisset. De Flandrico negotio, diligenter animaduersum est, Regem, ne verbo quidem respondisse. Verum ad caput tertium sic respondit: Nihil tibi esse antiquius, quàm vt Edicta sua pacificatoria sanctè ac seuerè obseruarentur: eiusque rei causa, Legatos se in omnis Regni sui prouincias circummisisse: cuius rei continuò testem Reginam matrem citauit: quæ ad Amirallium conuersa, Mi Amiralli, inquit, verius nihil est: missi sunt in omnes parteis Legati & commissarii. Quippe, respondit Amirallius: ex eorum numero, qui precium, meo capiti, quinquaginta aureorum millia, imposuerunt. Tum Rex, Mi Amiralli, Periculum est, ne ista contentio tuæ valetudini obsit. satius est, te quiescere. tibi quidem plaga, at mihi cōtumelia imposita est. Verum Dei mortem obtestans, iuro, me ita seuerè

seuerè istud facinus ulturum , vt posteritati
memoria prodatur . Habemus in custo-
dia, mulierem & pedissequum qui in ædi-
bus, comprehensi sunt. Ecquos de illis quæ-
stionem habere, & iudiciũ exercere postu-
las? Negotium hoc, respondit Amirallius,
prudentiæ ac fidei tuæ committo. Cauan-
nium tamen & Masparottum, quandò à
me sententiam meam exquiris, adhiberi cu-
perem. ac tertum etiam Amirallius nomi-
nauit. Verùm is qui huius sermonis testis
fuit, nominis illius est oblitus. Facinoris
certè auctorem (subiecit Amirallius) non
longè conquirendũ arbitror. Pòst illa, Rex
& Regina propius Amirallij cervical acces-
serunt, & aliquantisper inter se submissa vo-
ce collocuti sunt. Verũ ex illo sermone, is
qui ad lectũ adstabat, nihil aliud exaudire
potuit, nisi quòd Regina mater ad extremũ
dixit: Quãuis nihil sim, nisi mulier, tamen
maturè prospiciendũ cēseo. Sub discessũ Rex
Amirallium monuit, vt se in arcem Re-
giam deportandum curaret: idẽmque ali-
quories Comes Rhetius, Amirallij ge-
nero, & alteri qui ad lectulum adstabat,
dixit: simulque illud adiecit, vereri se
ne eiusmodi Parisiensium motus con-

citeretur, ut eum Rex facile sedare non posset. Huic responsum est, adhuc è tanto Medicorum numero, repertum esse neminem qui consilium illud probaret: ac non iudicaret fore, ut corporis agitato, tam recentium vulnerum dolor ingrauesceret. A Parisiensibus autem (si modò de Regis aduersus Amirallium beneuolentia constaret) nihilomagus, quàm à mulierculis timendum esse. Tantam esse passim cuncta Gallia, ac præsertim Lutetiæ Regij nominis auctoritatem, ut eius solius mentione plebs quantumvis furens, atque insana, continuo sedari possit. Tum Rex, glandem æream, qua vulneratus Amirallius fuerat, videre voluit: quæsiuitque magnumne dolorem, cum ei digitus & brachij pars incideretur, sensisset: cumque is qui glandem ostendebat, tunicæ manicam sanguine madefactam haberet, Rex ab eo quæsiuit, an hoc Amirallij sanguine factum esset, an multum sanguinis è vulneribus effluxisset. Cui alter, quæ visum est, respondit. ac tum, Scio (inquit Rex) neque fortio rem neque constantio rem virum hodie in mundo reperiri posse: continuoque glandem red-

didit. quam cum subsecuta mater, aspexisset, Gaudeo, inquit, glandem è corpore deiectam. nam memoria teneo, cum Dux Guisus in castris interfectus esset, Medicos mihi aliquoties dixisse, siquid admixtū veneni fuisset, eiecta glande nihil esse periculi. Tū alter: Non fuimus, inquit, eo cōtenti, Hera, nam Amirallio medicamentum præbuius, vt siquid veneni admixtum fuisset, maturè prouideretur. Aliquanto pōst, profecto Rege, Ioannes Ferrerius Carnutum Vicedominus, in Amirallij cubiculum ingressus est: atque ipsum multis verbis cōsolatus, ad extremum illud adiunxit: Hostes ipsius apertè suam ignauiam prodidisse, qui ausi non fuerāt, nisi per clatrata fenestrā, eum adoriri. beatum autem & felicem Amirallium, qui tantæ virtutis laudem ad istam ætatem perduxisset. Cui Amirallius, Beatum verò me iudico, inquit, quod me Deus sua misericordia sit dignatus. nam verè beati sunt; quibus iniquitates & scelera Deus cōdonat. Nō multo pōst, admonitu Regis Nauarri & Principis Condæi, primores in conclaue, sub Amirallij cubiculum concesserunt, qui viderent, ecquid consilij ex re & tēpore capi posset. Hic verò Ferrerius mul-

ris verbis contendit, quamprimum Lutetia decedendum : neque dubitandum esse, quin hic primus esset actus tragœdiæ, quem alij, breui tempore subsecuturi essent. Alij cōtrā disputabant, satis esse si ius à Rege postularetur, atque vt illius facinoris animaduersionem decerni, iudiciúmque constitui imperaret, qua in sententia Thelinus obstinatè perstitit : cùm sibi Regis animum intus cognitum, penitusque perspectum esse confirmaret : neque de ipsius fide, & beneuolentia secius aliquid existimandum. Postridie, amici aliquot Amirallij, certiores facti sunt, multa per urbem tumultuosius agi, telâque multis locis comportari : commodissimum videri, maturè consilium capere : neque boni quidquam ex illo fremitu & concursatione expectandum esse. Itaque vni ex iis, qui hæc testantur, negotium datur, vt ad Regem adeat, certiorémque illum de plebis motu, & armorum fremitu faciat, simul ab eo petat, vt præsidij causa, paucos aliquot è satellitum suorum numero, pro foribus Amirallij, in statione esse imperaret. Quem vt Rex audiuit, protinus admodum (vt videbatur)

commotus, atque admirans, quærere ex eo cœpit, écquísnam istud ei renuntiasset? tum, écquid ea res ad Amirallium perlata esset? simulque Rhetio mandat, vt Reginam matrem accersat. Vix Regina introierat, cùm Rex permoto (vt videbatur) animo: Quid? malum, inquit: quid hoc rei est? iste mihi nunciat, plebem tumultuari & arma capere. Nequaquam tumultuatur, respondit illa: neque arma capit. sed scis te primo diluculo imperasse, vt omnes suis se regionibus continerent, nequis fortè tumultus accideret. Hoc verum est, subiecit Rex: sed tamen interdixi, nequis arma caperet. tum alter, vt reliquam mandatorum suorum partem conficeret, petere à Rege institit, vt præsidij aliquantulum è suo satellitio ad Amiralliũ mitteret. Cui Henricus, Dux Andicus, qui cum matre vnà venerat: Optimè, inquit: habetote vobis Cosseniũ, cum arcibusariis quinquaginta. At ille, Nobis (inquit) fatis erit, si sex tantũ satellites è Reginarũ numero habeamus. Nã illorum auctoritas tantũ apud plebẽ, quãtũ complurium armatorũ numerus, valebit. Immo

verò, subiecit Rex, itémque Dux Henricus: Habetote vobis Cossenium: nullum deligere magis idoneum potestis. Quibus verbis, satis (vt videbatur) imperiosè pronuntiat, alter, qui Cossenium nouerat Amirallij rebus infestissimum, tamen obmutuit. Ac non lōgè à Regio cubiculo digressus, Thoræū offendit, Mareschalli Monmorācij fratrem, qui ei in aurem admurmurans, dixit: Nemo vobis infestior attribui custos potuit. Cui alter, Animaduertisti, inquit, quàm imperiosè id Rex decreuerit. eius nos beneuolentiæ cōmisimus. mei tamē ad primū Regis imperium responsi, testis fuisti. Paucis pōst horis, Cossenius arcibusariis quinquaginta stipatus ad Amirallij ædes cōtendit: duasque sibi in propinquo tabernās delegit, in quibus præsidium illud suum collocaret. pauloque pōst sequutus est Rambulleus, Regionum metatorum præfectus, qui, de Ducis Andici sententia, quam in illo superiore colloquio dixerat, nobiles omnes Catholicarum partium, qui in eo vico diuersabantur, migrare aliò iuberet: eaque diuersoria amicis & familiaribus Amirallij distribueret. quo consilio nullū neque callidius neque aptius, ad ea, quæ posterius euene-

runt.

runt, excogitari potuit. Sub vesperam accidit, quod non exiguam suspicionis causam multis præbuit. Puer quidā venabula duo, in ædes Amirallij, iussu Thelinij, deferebat. Hunc Cossenius depulit, venabulāque introferri vetuit. Res ad Nauarrum Regē delata est, qui tum erat cū Amirallio. Descendit Nauarrus. quærit ex Cossenio, qua fiducia id faceret. Respondit apertè Cossenius, mādatu imperiōque Regis se id fecisse. Veritatem, quoniā ita tibi videtur, inquit, introferantur. Eodem die Rex identidem ad illius familiares summiserat, crebrōque illos admonuerat, ut quāplurimi se proximè Amirallij ædes conferrent, totāque illam viciniā explerent. Consilio aliquot pōst horis, sub Amirallij cubiculum, conuocato, Malinius iterum pristinam illam suam sententiā renouauit, vehementerque institit, ut Amirallius Lutetia exportaretur, vnaque amici & familiares ipsius excederēt. multa se in horas animaduertere, quæ suspicionē magnopere augerent. Contrā plerique omnes disputabant, ius tātū à Rege postulandum esse, simulque petendum, ut Guisiani omnes Lutetia excederent: quod nimium apud plebem Parisiensem pollerent.

atque hanc sententiam, alia repudiata, Rex Nauarrus & Condæus, & plerique alij cōprobarunt: idque eò magis, quia Thelinus contendebat, iniuriam Regi fieri, si quis ipsius fidem ac sinceritatem in dubium vocaret: satis fore, si placidè ac modestè ius ab ipso postularetur. recens esse negotium. si nimia contentio adhiberetur, verendum esse, ne Regis animus offenderetur. In eo consilio affuit Bucavianus quidam Picardus. animaduersum est, verbum ab illo, in eo consilio, ne vnum quidem pronunciatum fuisse: sed eum tacitum singulorum sententias notasse, quæ res suspicionem iamdiu de ipso conceptam, vehementer auxit. Ac mirum plerisque videbatur, eum qui se puriorem Religionem colere profitebatur, tamen, apud Reginam matrem adeò gratiosum esse, ac frequenter ad Rhetium, & ceteros Reginæ familiares ventitare. Circiter tertiam noctis horam, aliunde rursus exorta suspicio est, Cossenij contumacia: qui cum Thelinij & Guercij loricas introferri animaduertit, latorem depulit. Qua re cognita, Guercius, qui ingenio militari, atque in primis ferox habeba-

rum, ad Cossenium accedit: eumque male verbis accipit, neque quidquam propius fuit, quam ut manus conferrent. Verum eam controuersiam Thelinus, blanda oratione sedauit, adolescens (ut inter omnes constabat) miti ac mansueto ingenio: & qui blanda Regis oratione delinitus, nullum unquam eius sinceritatis predicandæ ac celebrandæ, vel modum, vel finem facere solebat. Itaque cum & Guercius, & alij nonnulli, ex ipso quæfissent, placeretne ut in Amirallij ædibus pernoctarent, excubiisque agerent, omnibus respondit, nihil eo labore opus esse, amantissimisque verbis gratias illis egit. Ex quo factum est, ut ea, quæ consecuta est, nocte, in Amirallij ædibus hi soli pernoctarent, Cornatonius, Labonnius, Yolettus equorum præfectus, Merlinus, verbi Dei minister, Ambrosius, chirurgus Regius, cubicularij, & ministri quatuor, aut ad summam quinque: nam Thelinus in ædes suas, quæ Amirallij domum attingebat, sese cum coniuge, sub mediâ nocte receperat. In area tamen ad ianuam, quinque Heluetij excubabant: quos Rex Nauarrus è suo satellitio, ibi, præsidij causa, peruigilare iusserat. Aliquantò ante lu-

cem,renuntiatum est Labonnio,esse pro fe-
ribus quemdam , qui se Regis missu, ad A-
mirallium introduci postularet.Labonnius
sumptis illico clauibus ad ianuam accurrit,
illámque aperit.Hunc Cossenius arreptum
pugione interficit: simúlq; arcibusariis suis
stipatus impressionem in ædes facit:alios fu-
gientes ac perterritos,alios occurrentes tru-
cidat.strepitu,ac tumultu omnia permiscet:
effractáque facilè altera ianua, quæ graduũ
ascensum intercludebat, vnóque ex Helue-
tiis glande tormentaria interfecto,tamē ar-
cis aliquot obiectis,ab ingressu scalarũ pro-
hibebatur. Amirallius, & qui cū eo vnà e-
rant,pistularum & bomborum sonitu exci-
tati,cū de hostis impressione non dubi-
tarent,repentè ad terram prostrati,pacem à
Deo petere,atque ipsius misericordiam im-
plorare cœperunt.Amirallius ipse lectulo
subleuatus,& nocturna toga tectus,Merli-
num verbis præire iussit,vehementique ge-
mitu Christum Deum inuocans , spiritum,
quem à Deo fruendum acceperat, in ipsius
manus commendare instituit. Vbi harum
rerum omnium testis in cubiculum ingres-
sus est,interrogatus à chirurgo Ambrosio,
quidnā istuc tumultus esset: alter ad Ami-
rallium

ralliū cōuerfus: Hēre, inquit, Deus est, quia d
se nos euocat. irruptio in ædes facta est: ne-
que vlla resistendi facultas datur. Tum A-
mirallius: Iamdudum, inquit, me ad mor-
tē comparauī. Vos, si qua facultas est; vō-
bis consulite. nam meæ vitæ frūstrā sub-
uenire conaremini. ego meum animum
Dei misericordiæ commēdo. Animaduēr-
sum est ab iis, qui hęc testantur, Amiralli
vultum nihilomāgis perturbatū fuisse,
quā si noua res nulla interuenisset. Cele-
ritérq; ceteri omnes (vno excepto, Nicolao
Muscio, Germanicæ linguæ interprete, fa-
mulo fidelissimo) in superiorem ædium par-
tē profecti, reperta in tegulis fenestra, salutē
suæ fuga consulere cœperunt: ac nonnul-
li, noctis beneficio, euaserunt. Cossenius
interea remotis arcis, ceterisque impedimē-
tis, primū Heluetios aliquot introduxit,
virgatis vestibus ornatos, nigro, candido &
viridi colore distinctis: ex quo intellectum
est, eos ē numero satellitum Hērici Ducis
Andici fuisse. Hi quatuor populares suos in
scalis conspicati, neminem eorū violarunt.
Sed Cossenius, lorica & scuto tectus, distri-
ctūque gladium intentans, vt primū il-
los animaduertit, continuò proximum sibi

arcibusarium iaculari in illos iussit. quo vulnere vnus ex ipsis, repentè concidit. Irruptione in Amirallij cubiculum facta, Behemius quidam Germanus, in Ducatu Virtembergensi natus, patre (vt fertur) tormentorum muralium magistro, primus in cubiculum ingressus est, ibique sedentem Amirallium conspicatus; Non tu, inquit, Amirallius es? Cui Amirallius: Ego is sum, respondit: Tu verò, adolescens, caniciem & senectutem meam respice. Neque pluribus commutatis verbis Behemius gladium in caput illius adegit: primusque se Amirallij sanguine cruentauit, Hunc Cossenius, Atinius, & ceteri subsecuti sunt. Reliqua quæ ad latrocinia & direptiones toto illo biduo, Lutetiæ factas, pertinent, iam pridem in Furiali Carnificina commemorata sunt. Amirallij corpus è fenestra deiectum, ab adolescente Guisio pulsum calcibus, ac mox in lutum & publicam viam prouolutum, mutitum, ignominiosisque omnibus affectum, triduo post à furente multitudine in furcas Monfalconias, extra urbem, deportatum, pedibusque suspensum est. Hoc plebis Parisiensis trophæum, & crudelitatis atque insaniz monimētum aliquot dies permansit:

mansit, quam illa non solum in viuo, sed etiam in mortuo exerceuit: quam non solum nulla vnquam posteritas obliuiscetur, sed vbi Lutetiae fatalem fore, complures magno iudicio præditi augurantur. Sed paucis post diebus Amirallij corpus noctu, ab aliquot equitibus sublatum, & occulto in loco humatum est. Inter varias chartas, quæ direpta eius supellectile repertæ sunt, inuentum est ipsius testamentum, sub exitum nouissimi belli factum: quod Regina mater coram aliquot familiaribus suis recitari iussit. In eo caput fuit, quo testator Regi consilium dabat, ne fratribus suis nimias opes, nimiamque potentiam concederet. quo audito, Regina ad Franciscum Ducem Alensonium Regis fratrem conuersa: En tibi, inquit, egregium amicum Amirallium: quem tu tam charum acceptumque habebas. Cui Alensonius: Haud scio, inquit, quantopere mihi amicus fuerit, sed, certè quãtopere Regem amari, vel hoc ipso consilio facile indicauit. Neque dissimile Reginae Angliæ legati responsum fuit, cui cum Regina mater dixisset, Amirallium Regi suasisse, vt semper suspectam Anglorum potentiam haberet: Malus, certè (respondit ille) aduersus

Angliam ille animus fuit: sed aduersus Galliam, singularis. Porro Carnificinæ Parisiensis nuntius, in Angliam, Scotiam, Germaniamque ad eos perlatus, qui eandem cum Amirallio Religionem Euangelicam colebant, incredibile dictu est, quantum in Regem & Reginam matrem, odium concitavit. præsertim cum paucis illis diebus Religiosorum decem ferè millia, illa tempestate perculsi atque exanimati, in illas regiones profugissent: qui Amirallium ingentem virum, magnum & sapientem imperatorem, & patriæ suæ decus nominantes, tanti sceleris auctores, certissimos paricidas prædicabant. Eò accedebant multorum Germanorum adulescētium voces, & querimoniarum, qui studiorum causa in Galliam missi, eademque illa tempestate perculsi, complures rebus suis omnibus nudati ac spoliati domum redierant: ac non modò tanti facinoris immanitatem, verum etiam vniuersam Galliam apud parentes & propinquos execrabantur. Alij qui bellis superioribus Amiralli operam nauarant, virtutem illius passim apud Germaniæ principes commemorabant. nam (quod in re militari difficillimum putatur) non modò

consilio, sed etiam manu pollebat: cum ple-
runque ex prudentia, timor: ex audacia
temeritas nascatur. Non pauci præterea, qui
familiarius domesticam Amirallij vitæ con-
suetudinem cognitam habebant, ad Prin-
cipes profecti, summis laudibus innocen-
tiam Amirallij, continentiam, modestiã,
& mirum in religione colenda studium
prædicabant: quod ex interioris & dome-
sticæ vitæ consuetudine vel maximè per-
spici poterat: de qua quæ nobis partim ex
aliorum testimoniis, partim ex visu & a-
spectu comperta sunt, summam subiun-
gemus. Vt primùm è lectulo surrexerat,
quod satis maturè quotidie fiebat, noctur-
na superiniecta toga, genibus flexis in ter-
ram procumbebat: & cœtui vniuerso Deū
inuocanti ac precanti, verbis præibat. Ibi,
reliquis omnibus, ipsius exemplo, ad terram
aduolutis, precatio fiebat: ea formula, quæ
Gallicis Ecclesiis vsitata est. Absoluta pre-
catione, quod spacij ante concionis tem-
pus intercedebat, id omne, vel delectis Ec-
clesiarum ad eum missis audiendis, vel a-
liis negotiis publicis obeundis, tribuebat.
Post signo dato, concio alternis diebus
habebatur, atque hymnus Davidis can-

batur. Dimissa concione, redibat ad negotia, tantisper dum prandij tempus veniret. quo parato, domestici omnes, præter paucos, qui cibaria providebant, in atrium, vbi strata erat mensa, conuenire, ibique stante ad mensam Amirallio, ipsiusque coniuge ad latus ipsius adstante, si habita concio non erat, hymnus vnus è Davidis Psalmis canebatur: ac precatione vsitata, mensa consecrabatur. quod institutum non modò domi, atque in otio, verumetiam in ipsis castris, nullo intermisso die, seruari ab Amirallio solitum, non modò Galli innumeri, verumetiam complures Germanorum equitum duces ac tribuni (qui sæpenumero ad ipsius conuiuium inuitabantur) testes esse possunt. Sublata mappa, confestim Amirallius consurgebat: ac stans, adstante sibi coniuge, reliquisque item assistentibus, precationē & gratiarum actiones, Deo vel pronuntiabat, vel per concionatorem pronuntiandas euebat. ac cœnæ tēpore, non modò idē tū in precatione, tū in Psalmis fiebat: verumetiā cū suos domesticos omnes difficilius, somni capiēdi tēpore, conuenire ad nocturnam precationē videret, propterea quòd tēpus


illud propter varias occupationes incertū
erat, absoluta cœna adesse omnes iubebar:
hymnóque absoluto, precationē nocturnā
pronūciandam curabat. Quo exemplo dici
non potest quā multi ē Gallica nobilitate
ad eandem disciplinā in familiis suis
instituendam, inducti fuerint, cū eos
crebrō Amirallius moneret, ad pietatem
verē colendam, non satis esse, si paterfa-
cōcionibus interesset, suamque vitam
interiorem piē & religiosē institueret: ni-
si suos quoque familiares ac domesticos
ad eandem vitæ rationem exemplo suo
adduceret. Tantam illius pietatis ac sancti-
monię admirationē, etiā apud eos qui Ca-
tholicarum erant partium fuisse constat, ut
nisi cruciatus & carnificinas quæ postea cō-
secutæ sunt, perhorruissent, multo maxima
Gallorū pars ad eandem religionē & disci-
plinā se conuertisset. Vbi Cœnæ Domini-
cæ tempus aduentabat, suos familiares ac
domesticos ad se omnes cōuocabat, demon-
strabātque sibi non modò vitæ suæ, sed
etiam illorum consuetudinis rationem
Deo reddendam esse. siquid inter illos
discordiarum intercesserat, reconciliatio-
ne sedabat. si quis minus ad tantū mysteriū

intelligendum ac venerandum paratus videretur, hunc diligentius religionē instituendum curabat. siqui peruiaciores videbantur, palam edicebat, sibi satius fore, domi solum manere, quàm improborum comitatum alere. Iam verò Scholarum & disciplinæ puerilis institutum, singulare Dei beneficium existimabat. hoc seminarium Ecclesiæ, hoc tyrocinium pietatis appellabat. Litterarum inscitiam non modò Reipub. verumetiam religioni caliginem offudisse. In iis tenebris natam, altamque Romani Pōtificis tyrānidem; qui, vt Dis pater apud Poetas nocti ac tenebris, ita cæcis ignorantia & perditis imperitarat. Quocirca gymnasium Castellione sub arcem amœno & salubri loco instituerat, magnisque sumptibus exædificarat: ibique doctissimos Hebraicæ, Græcæ & Latinæ linguæ interpretes, complurēsque tum pueros tum adulescentes alebat. Porro continentia ipsius summum hoc documentum fuit, quòd cū maximis honoribus affectus, priuatis commodis seruire, & magnas opes aliorum Audicōrum exemplo parare potuisset: tamen neuium quidem agri iugerum, nullam villam, ad paternam hereditatem adiunxit.

Et si autem frugaliter rem domesticam administrabat : tamen cum ad illum omnibus ex Galliae partibus, proceres, nobiles, generum omnium homines, publicorum negotiorum causa ventitarent, quicquid parsimonia sua redigere pecuniae poterat, in aduentum hospitem liberaliter impendebat. Itaque satis constat eum vel heredibus vel successoribus suis aeris alieni onus reliquisse non minus quadraginta libellarum millibus: praeter annua sex libellarum millia, quae usurarum nomine creditoribus pendebat. Neque verò silentio praetermittenda videtur incredibilis quaedam animorum coniunctio, charitas & concordia, quam inter Castellonios fratres tantam fuisse constat, ut unus propè ex tribus conflatus illorum animus videretur. Vixit Amirallius annos LIII. menses VI. dies VIII. Statura fuit iusta, colore roseo, membris omnibus aequalis & congruens: vultu tranquillo serenoque, voce blanda & suavi: sed sermone cunctantior & leni: valetudine satis prospera: gestu atque incessu venusto: praesertim cum domi toga amictus, cum coniuge aut amicis inambularet. vini natura parcissimus: cibi & somni medio

cris: neque enim, cum plurimum, amplius
VII. horas quiescebat. Ac post nouissimæ
pacificationis tempus, nullum abire diem
sinebat, quin prius quam se ad somnum da-
ret, quæ superioribus bellis ciuilibus memo-
ratu digna euenerant, sua manu in Ephe-
merides suas referret: quæ post ipsius mor-
tem repertæ, atque ad Regium consilium
perlata, magnam tranquillæ ac sedatæ mē-
tis admirationem apud infestissimos quos-
que pepererunt. Quinetiam bello confe-
cto, cum se Rupellam (vt superius demon-
stratum est) recepisset, nullam præteribat
diem, quin & manè & vesperti vnam è Cal-
uini editis in historiam Iobi concionibus
perlegeret: quam historiam, crebris sermo-
nibus, animi sui consolationem, & in omni-
bus suis ærumnis panchrestum suum medi-
camentum appellabat. Ex priore vxore,
quinque liberos suscepit: superstites reli-
quit, natu maximam Ludouicam, Theli-
nio (vt diximus) nuptam: qui eadem, qua
focer, nocte, eademque furiali Carnifici-
na interiit: tum Franciscum, Odettum, &
Carolus: quorum duo, haru maiores, ma-
turè ex Furiali Carnificina erepti sunt: ter-
tius annos natus VII. menses VIII. quo

pater propter festiuitatem vnicè delectabatur, ab aduersariis captus, ab ineunte ætate Christianam crucem ferre condocfactus est. Posteriolem coniungem Amirallius prægnantem reliquit, quæ quatuor pòst mensibus filiam peperit: domumque in Allobrogum fineis reuerfa, paucis mensibus interiectis, Principis Philiberti imperio custodiæ mandata est.




FINIS.



ERRATA.

Pag. 1. Psal. CXI. 1. 7. lin. 17. tribus relictis filiis
9. 6. Bainiū obsideret 10. 20. nunc quidē euiluit
16. 7. quantā mutato 32. 21. negotium facesserēt
38. 4. copias conduxerūt 50. 17. infimā plebē 62.
20. Aureliā cū liberis 69. 22. vnāque filiā deduxit





Lucha D. Thomae contra prae-
fationes physicas, in eo etiam S. Au-
gustini contra. Gratiam physice
efficacem. No. 7. 213

Jo. Baptistae Colinii Castellani ma-
gistrum quondam Franciae Admirali

